

民國九年冬月刊

朝城縣續志

板存勸學所



續修縣志啟

有事爲而後有得失有得失而後有是非得失之實存乎理是非之論存乎辭公道在人久而不泯此稗官野史所以見採於盛世也粵自唐虞以迄明清五千餘年閱人成世閱世成俗陵谷之變遷郡邑之沿革政治之廢興人物之臧否某朝某代班班可攷而瞭如指掌者良以軒輜之採紀入實錄而爲後世衡鑑之準也史乘所載無時或缺或十數年或數十年通輯天下

朝城續志

卷之一

序

一

之志書彙爲一編各縣分志義亦類是吾邑縣志自康熙十二年以前經前賢故老纂修成帙刷印多本所載多元明事元明以前事殊寥寥迄今二百餘年未經續修年湮日遠事多沉沒無可稽攷光緒二十六年省會續修山東總志徵集各縣古今事蹟知縣事袁大啓議設局於舊書院內派景素吳玉書猷亭張允升基亦忝從兩先生後加意採訪徵文攷獻什獲一二粗志大畧未能詳載經月告竣分抄數本存署備



案名之曰鄉土志瞬又二十餘年矣先賢逸帙  
剝落殆盡縣志一部碩果僅存此誠我邑志書  
危急存亡之秋也景素先生在時屢欲修輯稟  
准無款齎志以沒基等悵然不能自已近與賈  
君丹承謝君子正等公同會議擬將鄉土志前  
藁接續輯補編成草本以爲續修之資料局所  
附設農會與事諸人各盡義務不支公款卜於  
陰曆十二月初一日開始賈謝二君操觚記事  
基亦時爲釐訂之所記事實忠孝節義奇言異

朝城續志

卷之一

序

二

行官吏之賢否利弊之沿革治亂之起伏風俗  
之淳澆凡關於世道人心者廣爲搜羅悉入記  
載不敢稍加僞飾謹將續草恭呈

尊署詳細校閱嚴加斧削以正錯謬卽希  
鈞序以便付梓統希

鑒核

治下吳式基頓啟



續修縣志序

邑之有志所以誌其地之山川人物政教風俗與其變遷沿革以供後人稽考者也微獨邦人士賴以紀舊聞知往事卽官斯土者亦藉以觀風敷政焉本年二月余奉檄蒞朝旣下車卽訪求邑志苦不可得詢諸邦人則朝志自清康熙十二年續修後迄未修輯所存舊志惟邑耆吳子丕君家藏刊本一部鈔本一帙而已吳君持所藏舊志暨賈丹枕君所輯新志草畧及鄉土誌各一冊示余並以

朝城續志

卷之一

序

一

重刻舊誌續修新志爲言余維朝邑記載闕佚至二百四十四年之久其間變遷沿革之有待敘述潛德幽光之有待闡揚者何可勝計吳君以就衰之年注意於是可謂能務其大者矣因成其志商諸地方財政管理員張綿齋君籌款付鐫庶朝邑歷史絕而復續而後之纂修者亦得所紹述焉

民國九年九月署朝城縣知事杜子楹序



序

余邑縣志自康熙十二年續修一次迄今二百四十餘年前賢往哲項背相望曾無一人議及重修者豈事關重大負荷實難而故待之後人以寬其責歟夫人之自形歉仄讓能於人固爲美德然當絕續之交一髮千鈞此誠時不宜遲事難再委者矣設仍以前之待後者復待後人恐輾轉相推不知幾數百年始有任事之人出而肩其責以慰前人之望茫茫世代前路難期何能忍而與之同歸

朝城續志

卷之二

序

二

於盡也前吳君玉書見及於此光緒二十九年纂緝鄉土志時卽議續修縣志稟准邑令程君壽武因欸絀而事乃卒寢旣章君光銘蒞任亦因欸絀未遂越數年吳君玉書賚志以歿余與吳君子丕謝君子正悲其志之未逮踵而成之時值浙省名孝廉邑令潘君輔臣熱心斯役組織成帙呈乞斧削未及付梓潘罷官去知事杜君承乏董成其事委任子丕先生司監修職余與王君施之執事左右以資翊贊又恐耳目狹隘事難周知鳩集同志



諸人分類採訪或考之家乘或詢之耆老或稽之  
傳聞凡人物政俗德行節義可以昭示來茲而爲  
後世所景行者無不據實記錄以備參考至名流  
之言行仕宦之軼事必待博雅君子詳加攷據統  
合諸端另行著述增輝吾邑其在斯乎余等譎陋  
無文不過謹遵舊例叙述崖畧爲後之資料而已  
敢云續志乎哉

邑貢生賈銘恩謹序

朝城續志

卷之一 序

三



序

先民有言曰莫爲之前雖美弗彰莫爲之後雖盛弗傳是補闕訂墜之功與作聖述明之業相需甚殷而相遇不容終踈也而或者謂凡人立一言作一事必自度言可爲經事可爲法然後筆之於書以垂後世而耀無窮非若雕蟲小技可以操觚爲也予曰然然否否自古文章之士才不盡班馬筆不皆董狐苟其勢處於萬不得已則凡肩斯道之傳者皆可以銳然直任而不當以不敏謝吾朝縣

胡城續志

卷之一

序

一

志闕而未修者二百四十餘年其間風土人物嘉言懿行不少概見而前賢輩出旣皆齎志以沒時下文人又因兩朝代謝事故多端國亂民貧項短支絀所以視此爲不急之務嗚乎一髮千鈞誠可懼哉幸吾邑丹丞賈子子正謝子慨然於邑志之失修蓋其所見者大不以欵絀涉疑難不以工鉅生畏憚不以採訪難週而過事鋪張不以編輯爲勞而姑從闕畧於是殫精竭智寢食弗遑以蘄是書之有成而又不敢自是時時就質於蕃之業師



者儒吳子丕先生先生嘉其事亦樂爲釐訂焉是  
書之成兩易寒暑難矣哉然其所以難之故與其  
所以不避難而必欲成就其難之故識者自能領  
之無俟予之多言也予與二子爲文字交素相知  
心序其書序其心也至是書旣出觀者或然歟否  
歟或因然否是書而並然否吾序歟吾皆聽之不  
遑問

邑廩生李之蕃謹序



序

邑有志猶國有史也蓋以事實紛紜不有志以紀之奚以示勸懲垂法戒以昭來茲也吾朝邑志創修於嘉靖續修於萬厯再續修於康熙迄今二百四十餘年未經纂輯其間風俗盛衰民物登耗與夫名宦治蹟鄉賢行誼概湮沒於荒烟蔓草墜緒茫茫洵足喟已然前賢往哲亦有議修而卒難成事者類以款項支絀無力付梓否則倡始無人羣相推諉則亦築室道謀卒歸於好事難成之歎也

朝城續志

卷之一

序

三

戊午秋

所

避亂農會同硯賈子丹丞談及修志以

同事相商

所

曰此義舉亦難事如其易爲前人早

先我著鞭何能稽遲至今况修志之先達類皆才

班馬筆董狐我輩識等井蛙自知弗逮遠甚卽效

留侯與老人納履未必不嫌手之污其足也敢言

續其志乎而丹丞毅然自任若有當仁不讓之心

謂邑志失修正由前人之過於謙退所致遂邀

所

就謀於前輩吳先生子丕先生嘉其志向堅定欣

然樂執牛耳立發公啟命丹丞與

所

各記所聞又



多囑同人留心采訪先生誠知世遠年湮老成凋謝况諸君皆自備薪水采訪斷不能周固不敢謂其事之必克有成也已未春適逢浙省名孝廉潘公輔臣攝篆於斯聞吾邑共謀修志而熱心焉特延先生借閱志書先生云咸豐間兩經兵燹志板已燼而志之存者僅一問賈丹丞則得之矣公造丹丞塾談讌多時將舊志鄉土志一併攜去遲至歲杪世伯吳先生率丹丞與所同謁潘公推為總裁公亦為之首肯辭歸即在農會開辦丹丞與所皆日創一草先生秉公筆削如嚴師課徒未兩旬而稿粗就當卽祈公斧政作序不數日公安謝去事幾中輟幸新任杜縣長踵其事以成之備文稟請省長批准撥款續修先生喜其事之有成卽命李君錫侯王君施之詳加參校以付剞劂嗚呼二百四十餘年之前此湮沒失傳者今皆因之而彰我杜公之功顧不偉與後之君子讀是志而得以攷文徵獻要當飲水知源固不可忘杜公集成之惠亦不可忘潘公提倡之力也

朝城續志

卷之一

序

四



峇

民國九年歲在壬上章涪灘圍陽月謝得所謹識

朝城續志

卷之一 序

五



續志姓氏 民國九年歲次庚申

總裁

署朝城縣知事杜子楸

監修

拔貢候選直隸州州判吳式基

纂修

歲貢生 賈銘恩

歲貢生 謝得所

校正

朝城續志 卷之一

附生 王恩膏 李之蕃

採輯

附生 左獻之 趙守仁

謝仲興 岳修楨

里長 郭鳳棲

廩生 李在璿

附貢 戴庚辰

監貢 魏煥文

縣視學謝彤恩



督梓

附生財政管理員

張衍基

廩膳生員

李奎藻

監生

岳修梅

刊板工人堂邑縣

許鳳德

朝城續志

卷之一

七



朝城縣續志

凡例

一體裁 志書卽邑乘也一邑之地域政教風俗沿革攸關凡事實之宜刪宜載體例悉遵舊志一論斷 恩怨親疎稍存意見卽涉偏私記載失實罪戾叢集無論采訪編纂須秉大公以爲去取

採輯 一邑之人散處四方一邑之事動經百年勢渙而迹易湮也事關幽潛一有不慎怨置

朝城續志

卷之

八

及之從事操觚實懍冰淵

一編纂 謹遵舊例敘述崖畧其有稍涉疑難之處或知之未確者雖善善從長亦當付之郭公夏五闕而不錄不敢謬執已見以厚誣前人一校正 語言之謬字畫之訛一時粗忽賢哲不免沿謬承訛後世因之貽誣伊胡底耶惟悉心校正庶少魯魚亥豕之誤

一徵實 事之傳聞不無或誤以誤記誤殊失記錄從實之旨採訪明確方入記載否則寧闕勿



濫

一補遺 一邑之大事務紛呈或時殊世易傳聞異詞或窮鄉僻壤采訪未周當時雖未記載後有聞知如未刊梓不妨補入

一刊梓 文字之傳僅憑抄錄不能持久必刊梓刷印分置讀書之家珍而藏之縱遇兵燹則此亡彼存庶可無虞







朝城縣續志

綱目

卷一

建革

城池 漕米

公署 官制

廟壇 政治

橋梁 學校

戶口 行捐

賦稅 兵制

風俗

節序

交際

訟獄

衣冠變說附

名宦

傳記

重修文廟記附

官吏

知縣

典史

教官

警官

科目

進士

舉人

副榜

武進士

武舉

鄉賢

僑寓附

貢監

恩貢

拔貢

歲貢

例貢

朝城續志

卷之一

綱目

士

佐貳

武賈

殉難

世職附

孝義

孝子

義士

節烈

俠婦

卷二

藝文

聖諭

誥封

碑記

雜記

補遺附

匪患

災祲

暴風記附

志異

宗教



建革志

地面興衰隨時變遷我朝唐虞時屬兗州少皞氏故墟也厥後歷代沿革爲郡爲邑建置不同附屬亦異是宜各據其實以誌之

秦屬東郡

隋屬兗州

唐屬河北道

宋屬河東東路

元屬大明

朝城續志

卷之一

建革

明屬東昌

清雍正十三年改屬曹州府

民國復改屬東昌以上俱詳舊志

城池詳舊志

光緒十七年重修墻濠一新

有官府而後有城池城池者所以固民守聚民居也我朝隋唐而後卜邑於茲正名定義以縣名之修城鑿池由來舊矣或云舊城在韓張或云韓張店或云韓張猶有城隍廟卽當日縣治在時所修也後人誤以韓張店爲韓張洪武五



年因水圯而徙於今地以是攷之則韓張之爲韓張店無疑矣韓張店村西爲西馬頭村東爲東馬頭河決城圯是以徙焉又黃河通攷云宋天聖六年河決澶州卽今開州水汜東北百餘里徙大明之朝城於社婆村以避水患今城西二里許有舊縣波是也詳不可攷姑闕疑以待後之君子

公署詳舊治

縣治在城東南隅文廟街班房屬焉咸豐四年捻匪焚圯迄今未修數十年間官府吏役賃居民宅在南北大街道西

典史宅賃居民宅在南廈門內道東

城守營改爲警察署賃居民宅移無定所

兩學署在舊縣治東南明倫堂左右今廢改爲勸學所寓居文昌閣

育英書院在北小隅首東南今改爲高等小學堂

養濟院在西門內街北今廢



演武場在北關外今改爲森林棉業場

水次倉在城西北衛河上後改張秋會通河西岸今廢地址猶存

官窯廠在城西北衛河岸

縣倉在舊縣治內儀門東西今廢

縣獄在舊縣治儀門西今廢

### 廟壇

廟壇者神鬼之所棲止也天神地祇而外有社稷之神有風雨之神有農神有獄神以及先聖

## 朝城續志

### 卷之一

建革

三

有祠先賢有廟典禮所在報饗致祭此人之出於至誠而情不能已者也故廟壇至重爰爲之書以志之

文廟 屢次修補以防傾圮歲修工費地七十畝民國二年歸入學堂經費

城隍廟

馬神廟

關帝廟

八蜡廟以上詳舊志

### 壇



社稷壇

風雨雲雷山川壇

邑厲壇以上詳舊志俱有門垣久廢

漏澤園在北關外

坊額詳舊志存廢參半

舖舍詳舊志今廢

橋梁詳舊志  
今謹舉要者擇而書之

步雲橋今廢

武陽橋 在南門外城壕上

朝城續志

卷之一

建革

四

拱辰橋 在北門外城壕上

春澤橋 在東門外

秋波橋 在西門外

廣濟橋 在春澤橋西

邵家橋 在南關迤東

集市詳舊志

咸豐二年起張寨集 綉子岩集 大場集 馬集

疆域詳舊志

自民國元年全境劃分六區城區 舍利區 臨溪區 王奉區 柿園區 劉家區

坵隴詳舊志

古蹟詳舊志



名勝詳舊志

官刹詳舊志

物產

王奉區自光緒初年多種落花花生獲利之厚優於五穀打瓜子亦為該區之特產餘詳舊志  
工藝製造草帽辦自光緒初年普及全境辦莊之設始於二十七年民利賴之餘詳舊志

戶口

古者書民於版仲春之月負之以巡郊畿重民數也我朝雖小戶口繁殖士農工商各有職業輸賦納稅亦足以襄助國家矣是不可以不志

舊志順治二年編審一萬八千五百五十三戶三萬二千七百四十三口四年土寇倡亂人民

朝城續志

卷之一

建革

五

死徙者眾數年後元氣漸復康熙八年稽查戶口新增一萬八千四百零二口并元數共五萬

一千一百六十三口厥後二百四十年實錄云亡增減無從稽攷民國九年邑侯杜公令警察

調查全境六區戶口確數城區十一街四關廂五十一村共二千九百十三戶一萬六千七百

七十八口臨濶區三里九十九村共五千六百九十六戶二萬九千七百九十六口劉美區三

里一百零五村共四千二百八十四戶二萬四千六百五十口王奉區四里七十八村共六千

二百二十戶三萬四千六百五十二口舍利區四里一百二十八村四千九百九十四戶二萬

六千九百六十三口柿園區三里八十七村共四千九百七十九口二萬七千四百四十九口

統計全縣現在戶口二萬九千零八十六戶十五萬九千九百八十八口

賦稅



銀賦漕米國家財政之大端也有田廬而後有賦稅有賦稅而後有國用國用不足履畝增稅春秋非之滿清定鼎順治康熙仁心愛民如意賦稅勅令戶部按天下之地圖審各省之地力酌分三等按畝起科上地納稅若干中地納稅若干下地納稅若干編爲定額永遠不易庶貪官汙吏無肆虐焉是爲志

田地

面積共一千四百三十六方里每方里三百四

朝城續志

卷之一

建革

六

十八畝四分四厘六毫三絲共地七千七百五十六頃二十八畝一分六厘一毫耕作之田五千六百七十六頃九十三畝二分零八毫廬墓陂池種菜植樹之田共二千零七十九頃三十四畝九分六厘一毫

銀賦

清初銀賦每畝三分一厘八毫六絲范觀僅二分一厘四毫我朝地瘠民貧竟多于鄰邑一分有餘完納有折色有火耗乾嘉間紳加二五民



加二八數年後紳加二八民加三同治間通改  
加三李中丞秉衡巡撫山東時每兩定價折京  
錢四千八百文及袁項城總統又改銀爲洋元  
每兩銀折洋二元二角較前更重外加學款銅  
二元民國七年又加地方款銅六元

### 漕米

清初漕米每畝一升三合五勺范觀兩縣僅七  
合我縣加倍舊志謂代他縣完納不知始於何  
時亦不知始自何人紳民赴水次完納有斛尖

## 朝城續志

### 卷之一

建革

七

有樣盤有雞淋米胥吏私剔官斛以竊其利每  
斗率須二十甬有餘嗣李中丞定價每斗折京  
錢一千二百文永爲定例袁總統改每石洋六  
元通計銀漕兩項諸畝捐每畝歲需京錢六百  
餘

### 官制

昔者少皞以鳥紀官黃帝以雲紀官炎帝以火  
紀官共工氏以水紀官歷代相因沿革非一民  
國肇興大總統袁世凱振刷精神與人謀始力



滌舊習以黃帝紀元不用年號官名政治概從新議以標飾天下之耳目

知縣改稱縣知事又改縣長

教諭光緒二十九年裁撤任務統歸訓導

訓導民國二年裁撤任務改屬縣視學

學田七頃二畝歸入學堂

典史民國改稱典獄員專查監獄

城守營宣統二年裁撤民國改爲警察

民國八年添設

地方管理  
財政處

民國九年添設勸業所

朝城續志

卷之一

建革

八

政治

民國二年成立縣議事會參事會未幾解散

民國三年設置講演會附圖書閱報所

民國三年設置縣農會附農林試驗場

學校

孟子曰學則三代共之學者人才之所從出也

縣之不可以無學猶家之不可以無粟民國崇

學堂廢科舉窮乏之士無由進身選途寬而隘

矣



光緒二十六年設立高等小學堂長一名司事  
一名教習二名

光緒三十年停科舉由各縣調查選民投票選  
舉議員

民國三年添設師範講習所模範小學四鄉初  
等小學舊學廢矣

民國七年設立第一女子國民學校校舍在城  
內北街

郵政光緒二十九年創設郵寄代辦所至民國  
九年改爲二等支局



行捐

古者以九賦賦民正貢而外山林有賦川澤有  
鬻賦之之意蓋恐民之暴殄天物以賦當其租  
入聊爲示禁已耳而非藉以充國帑也後世政  
繁費廣國用不足心計之臣附會官禮漸事紛  
更而民已不勝其擾降及今日學警諸大端繁  
費益浩各行課稅絲毫無遺民有重困之憂國  
搜空虛之患茲謹將各行稅捐臚列於後以誌  
緣起

朝城續志

卷之一

建革

九

地畝捐

詳賦稅

牙行

糧行

花布行

以上三項  
有稅無捐

牛馬鈔

自宣統三年起 全年捐錢二千零  
五十千文

油行捐

自宣統三年起 全年捐錢七十千  
文

土賑捐

自前清光緒二十九年  
起全年捐銀  
五百七十四兩

棗炭捐

自宣統三年起 全年捐錢三十千  
文

屠戶捐

自宣統三年起 全年捐錢九百六  
十千文



屠宰稅

自民國五年起 全年稅洋三百十九元二角

舖捐

自光緒三十二年  
起 全年捐錢四百五十三千六百文

菸稅

自民國四年起 全年稅洋不等

酒稅

自光緒二十八年  
起 全年稅洋不等

花生稅

自民國三年起 全年稅洋一百元

皮行捐

自宣統三年起 全年捐洋八十元

羊毛捐

自宣統三年起 全年捐錢四十千文

印花稅

自民國三年起 全年銷數不等

石灰捐

自宣統三年起 全年捐錢十五千文

朝城續志

卷之一

建革

季

木料捐

自民國九年  
起 全年捐錢八十千文

柴草捐

自宣統三年  
起 全年捐錢一百四十千文

牲畜稅

自民國五年  
起 全年稅洋七百零二元



兵制

民以養兵兵以衛民古之常經也降及今日兵民之相需猶是也然民既出資以養兵而兵不能衛民且又害民或藉名勦匪誣良爲盜勒索百端或誘賊誣攀導入民家搜括鎗炮并搜財物名爲安民其實擾民倘主兵者不徒以養兵爲名教誨訓練以馴其心充兵者不徒以膺兵爲名勇敢奮果以盡其力則兵與盜讐而民患息矣是所望於執政者

城兵

城守營汛官一名隊長三名馬步兵共五十名廢今  
團兵 咸豐十一年編製同治三年停辦

城內正心團團總一人副團總一人參謀四人常練兵五十人衆兵臨時招集按戶出丁

城東好義團團總一人副團總二人常練兵二十人衆兵臨時招集按戶出丁

城南忠武團 全上

城西忠心團 全上



城北忠義團 全上

民國

駐防陸軍忽來忽往

新編警備隊五隊共二百人隊長五人書記五人  
兵共二百人

縣隊隊長一人副隊長一人兵四十人

警察營頭等警佐一名二等警佐一名警兵四十名

民兵 民國八年編製

城團團總一人副團總一人書記一人團兵四人

朝城縣續志

卷之一

兵制

後十一

總馭四鄉之團兵

舍利團團總一人副團總一人書記一人常練兵  
十人眾兵按戶出丁

王奉團 全上

柿元團 全上

臨深團 全上

劉美團 全上



風俗志

朝地爲齊魯西鄙姬姜雅化與孔子孟遺澤至今傳爲美談故士風崇詩禮民俗敦農桑其性之質直有子路夏育之剛果其心之忠勇有陳容臧洪之英烈此所以樂公戰而恥私鬪也乃自世風日降剛方者變而爲凌競迂訥者變而爲巧佞高明者變而爲狂妄乾嘉之風俗不及康雍道咸之風俗不及乾嘉同光之風俗不及道咸至民國而自治自由風俗之敗壞莫此爲甚臚列風俗僅舉節序交際訟獄三者難免掛漏貽譏然三者雖不足括風俗之全未始不足見風俗也謹厯厯陳之

節序

四序之迭運雖曰天時而人事卽由是而起如春之元旦元宵中和清明夏之浴佛城隍誕端陽初伏六月六日秋之七夕中元中秋重陽冬之青朔冬至臘八除夕古人遇節飲宴隱寓精意鄉黨云鄉人儼朝服而立於阼階是也今乃



視爲故事逢場作戲噫誤矣

春 夏 秋 冬

古人制禮皆主於敬不敢以節序之小而忽之也如春之節四首曰元旦祀神祇祭祖先爲尊長稱壽次曰元宵張燈彩放火樹簫鼓喧闐次曰中和柴炭圍倉實穀覆瓦又次曰清明禁烟寒食插柳召魂夏之節四首曰浴佛爲佛誕日拜佛進瓜次曰城隍生日演雜劇建醮事次曰端陽男女戴艾咸食角黍又次曰初伏六月六

朝城續志

卷之一

風俗

七

日晒書曝衣啜麥仁卻溽暑秋之節四首曰七夕祀織女穿線乞巧次曰中元焚紙錢土庶上墓次曰中秋食月餅飲酒賞月又次曰重陽飲茱萸酒登高賦詩冬之節四首曰青朔焚燒紙鏤土庶掃墓次曰冬至叩首拜節踵訛襲謬次曰臘八煮雙弓米掃除舍宇又次曰除夕換桃符貼對聯設庭燎燃爆竹以上十六條爲一歲之節序古人行之皆有至理且有誠意今則視若兒戲其能敬以行之飲水思源者鮮矣



交際

古人制禮以洽人情此以禮往彼以禮來乃交際之所由起也書曰享多儀儀不及物曰不享則物以將敬其明証也今人不明此意或以富貴而厚之或以貧賤而薄之論勢利不論親疏往來之間嫌隙在焉夫豈古人交際之意與

吉慶·哀慰

親戚故舊當有恩義恩義奚以達達之以交際而已吉慶之交際其大者有三曰娶妻曰生子

朝城續志

卷之一

風俗

三

曰賀壽哀慰之交際其大者有二曰銘旌曰賻儀先卽吉慶言之凡爲子娶妻親友皆送羊酒食物重人倫之始也有生子者閭左懸弧戚族餽芝蔴雞子多在始得子老得子重承祧也邑人壽享期頤者撰文具儀登堂稱觴重高年也再卽哀慰言之遇士夫家有喪者親朋具銘帳贈輓聯書鶴駕仙遊騎箕昇天等字哀死也或賻以銀或賻以錢助喪主以利用慰生也以上諸端近有借以圖利者非古人之遺意矣推之



於買莊移居開張鋪號不必賀而亦賀者則朝地惡風也主人肆然爲之賓客勉強應之習俗不古莫此爲極人可不廢然返哉

### 訟獄

朝土東東魯西西河聖賢之教澤浹洽已深故人多習於禮讓而恥於訟獄乃自風俗囂凌遂釁端相尋而未有已時然究其訟之所由來者厥有四端曰婚姻曰田土曰人命曰盜賊有司民之責者所當明以察其奸嚴以徵其刁而訟

## 朝城續志

### 卷之一

風俗

三

或可稍息矣

婚姻 田土 人命 盜賊

訟獄由婚姻起者或已定而悔盟或甫嫁而失懽甚至妻容醜陋而桃夭愆期夫適異國而再醮適人更有醜聲傳播而夫家下離婚之書訟獄由田土起者或盜賣而興詞或偷買而生衅甚至爭呬口角而來質公庭竊禾相毆而赴城呼冤更有水患曲防而爭訟不休訟獄由人命起者或逞忿而殺人或羣毆而斃命甚至翁姑



酷虐而投井懸梁夫婿毆詈而勒喉吞毒更有  
因病身亡而借屍訛詐訟獄由盜賊起者或奸  
滑誣良爲盜或良民陷身賊巢甚至淫博傾家  
而棲身暴客飢寒交迫而夤緣爲奸更有甘爲  
戎首而罪不容誅訟獄繁興實難殫述

### 衣冠變說

光緒初年衣冠龐然綽有古風或問學師王綸  
堂云今之衣何若是之肥冠何若是之深先生  
曰此乃博大宏昌太平景象也子不見咸豐間

朝城續志

卷之一

風俗

古

衫短而瘦帽小而尖而有洪楊之亂逮同治甲  
子曾侯破南京中華大一統衣服乃漸改觀吾  
儒得寬衣博帶雍容於几席豈不甚善或唯唯  
而退泊乎民國衣冠瘦小莫此爲甚是卽赳赳  
用武之狀而大亂已兆先生之言於此驗矣



名宦

傳記附

史乘記官吏不曰循則曰酷不曰廉則曰貪千古賢愚四字盡之矣書以循而廉則榮於華袞書以貪而酷則嚴於斧鉞筮仕者可以知所從違矣然猶恐其甘爲貪酷而不爲循廉也故凡有功於民社者立廟祀之俎豆馨香俾其流芳奕禩大僚有之宰亦宜然

屠公創修書院記

先大夫宰斯邑時創建育英書院經始於道光

朝城續志

卷之一

名宦

十五

己亥庚子落成蓋三十年於茲矣壬申春敦捧檄重來甫下車則官廨已爲荒墟蓋兩經兵燹廬舍強半傾圮而書院巋然獨存邑人士有言曰是屠公之德化所留貽也昔公之爲政也見利吾民者謀之如慈母之於孩提無不至也見害吾民者驅之如仇讐之不能一日安也宰吾邑凡三年而三十年後流風善政猶嘖嘖人口書院之不燬亦公之靈有陰爲呵護者與敦敬聽之下不禁愴然迴憶侍宦趨庭見先大夫課



士勤懇其人心固已翕然向學今日文風土習更覺蒸蒸日上此固我國家文教日隆亦以見邑人士之能率其子弟以相與有成而先澤幸賴以不泯也敦權篆一載兢兢以守先爲念乃地方利弊愧無興革而瓜期已屆謹捐薄俸京帑二百千商之吳君瑛山及城鄉紳董留助膏火雖未媲美先型庶亦有舉無廢與若夫人文蔚起增舊式而恢宏之是則有望於來者

署朝城縣知縣孝感屠敦仁同治十二年癸酉  
孟春謹識并書

朝城續志

卷之一

名宦

六

縣令葉公傳

賈銘恩

葉公小舟

諱

汝源光緒二十三年春來知縣事

下車伊始卽訪大姓傑黠以鉗制之城狐社鼠悚不敢動時朝之鄰境元城南樂萑苻盜起匪數百人劫掠莘冠波及我朝是年七月賊搶楊村公聞率隊往擊至與賊遇衆怯不前公身先士卒奮勇陷陣衆從之賊披靡獲賊首數人帶歸正法餘賊畏威不敢輕犯境內稍安公性明



察斷獄如神屢按重犯刑罰悉當人無怨言莊  
族鄰右一無牽連雞犬小嫌立時判決釋兩造  
之仇免羈押之累一錢不費而案結矣民之頌  
其德者曰葉青天婦女間有好訟者痛加譴責  
以理譬之遇有冤枉俾遣抱告來城代訴爲之  
伸理以平其爭嚴禁胥吏勒索宿弊悉爲剷除  
待民厚馭役嚴班役不飽豁壑幾有闕然欲散  
之勢民國元年復來宰朝督浚城池爲固守計  
議參兩會因公嚴正守舊誣以破壞新法聯名  
二月至朝五月被誣罷職惜哉

縣尊黃公傳

賈銘恩

黃公錫朋名葆年江蘇泰州進士也光緒十六  
年來宰斯邑攝篆伊始卽問民疾苦體恤周至  
值霖雨爲災請大府賑以三千金民鮮流亡舉  
百餘年未舉之曠典免差車汰冗役陋規積弊  
一旦豁除修城濬池挑東西二河迄今民利賴



之凡文廟諸祠及講武廳奎星樓一切坍塌廢  
墜者咸修葺之匪直此也躬親課士孜孜不倦  
嚴防請託無絲毫徇剖決訟獄案無留牘清風  
明月惠洽閭閻洵我邑之慈父母也宰朝三載  
調陞萊陽命駕之時合邑紳民祖餞東郊連綿  
數里無不稱觴以壯行旌厥後宰萊宰滕宰泗  
水勤政愛民無異在朝德政所留碑如林立此  
固不足爲公榮而亦不足爲公貴也公生當叔  
季慈惠廉明志在安民不在仕宦旣賦歸來名

朝城續志

卷之一

名宦

六

利俱淡講道蘇湖以紹絕學坐擁絳帳虎皮談  
經我朝士人不憚二千里負笈從遊者五六月  
迄今公年七十六歲家赤貧講學不輟僦屋而  
居其資給皆弟子之豐裕者供之弟子及門受  
業者百五十人其往來請業就質者不下五百  
餘人嗚呼伊洛而後真不數數觀已

調甫余先生

賈銘恩

四時之氣曰溫曰嚴春秋備焉惠得乎溫而爲  
和聖夷得乎嚴而爲清聖孔子兼之而爲時聖



是以俎豆千秋而爲萬世師也調甫先生其與人也和似惠其課士也嚴似夷然似惠而實非惠似夷而實非夷不惠不夷之間正君子之所以立身也光緒辛卯來朝司鐸十有八年不與人忤不與物競殷勤課士循循善誘及門諸子初被容接見其溫者不見其嚴見其嚴者不見其溫及聽受之際望之儼然卽之也溫聽其言也厲四時之氣迭見互形人莫能測擬之曰不夷不惠其無愧乎先生諱朝梅字調甫濟寧州朝城續志

卷之一

名宦

九

壬戌恩科舉人授朝城縣訓導陸曹州府教授卒年七十有六

重修文廟記

自光緒十四年教諭李恒吉倡修文廟商同舉監生員等按上中下捐貲無不慨然樂從不數月而工告竣迄今三十餘年風雨剝蝕燿燿巍我之狀漸近彫殘歲修公款已提歸學堂鄉先生過而心傷無可如何已未春天開文選遺值浙省名孝廉潘公來宰斯邑下車卽周視聖廟



顧而惻然遂庀材鳩工以重修之而廟貌乃煥  
然一新矣公印光組字輔臣浙江餘杭人

朝城續志

卷之一

名宦

三



官吏

張官置吏以爲民也官吏之有益於民在德惠  
尤在政教蓋政教之善卽德惠也公孫僑之治  
鄭武鄉侯之治蜀猛以濟寬古今稱之正以此  
耳宰斯邑者無論爲寬爲猛凡有益於民者類  
皆志之以爲後之爲宰者勸

守令

鄒楷 字端木浙江錢塘人貢生康二十年在

盧耀龍 三韓人 章履 貴州人 張祚

朝城續志 卷之一

官吏

三

程良傳 進士 王暉

熊仁泰 梅城潛山人 張萬清 王孚鏞 進士

常際唐 張思勉 滿洲人 李冠瀛 懷來人

邵英 胡連級 舉人 陳楷 解元

史載魁 溧陽人 凌廣赤 彭澤人 鄒輿

唐啟元 蕭林 解元 錢廷熊 平江

黃天錫 鄭燮 興化人 程度

呂振 盧琨昆 滿洲 王濟師 新安人

祖汝楫 王叔載 陳詔



商元伯

曾玠

楊汝愚

譚兆燕

進士

劉大紳

清廉愛民

馮立卓

劉加封

王江

薩克持

劉本清

四川

楊錦英

董坤

招子庸

張積功

屠道彰

湖北孝感縣進士創修書院振興文教躬親課士不辭勞瘁有記

任騰蛟

四川舉人咸豐四年土匪陷城殉難

董潤

大興人咸豐十一年捐廉修城土匪破城殉難

權汝欽

徐州府人政績詳鄉土志

朝城續志

卷之一

官吏

三

文龍

大興縣人廉明慈愛多惠政

傅維弼

天津鹽山縣進士儉樸清廉以躬率民間闔歸化

屠敦仁

前令道彰子

張壽山

權柄移吏胥為奸

秦應達

湖北孝感縣會元重文教勤課藝士類翁然日有進步

姚觀峒

天津舉人事見鄉土志

林介景

安徽省人果決明察案無留牘

陳佐平

安徽省舉人事見鄉土志

吉紳

進士勤政愛民



段晉熙 進士精心課士功無稍倦

黃葆年 江蘇泰州進士有傳見藝文

英 崑 大興人 簡淑琳 進士 王蘊時 副榜兩任邑令

黃亮臣 大興 程壽武 保定人 袁大啟 明幹多才

方朝治 進士性質恬闇 楊卓雲 進士 周忠清 廉惠愛民

王經燦 敏幹 李 焯 廉幹 王祖綱 嚴整有威

葉汝源 強幹有為精悍果毅斷案明決勦除盜賊雷厲風行兩任邑令有傳見藝文

民國

章光銘 安徽廣德人 民國元年 孫逢吉 斷獄糊塗

朝城續志 卷之一 官吏 三

孫樹人 舒城廩生 林仲幹 潘光組 清舉人

杜子楸 浙江紹興人 民國九年正月蒞任創立勸業所創修監獄續修縣志飭武備興

文教除暴安良

典史

清 馬寧臣 庸振聲 滿城人 王 弘 大興人

李 洪 大興監生 王士行 紹興人 沈斯蠶 蘇州人

范增鞏 劉文煥 李永年 江寧

陶振廷 陳 瑄 呂 炘 監生

錢 恕 侯學海 盛 昇



宋昌

袁鐸 紹興

李培之 紹興

黃士驤

平玉書

民國

殷錫齡

顧彭年

錢葆曾

教諭

張賓雁

諸城副榜

劉鼎和

泗水舉人

王椽

肥城副榜

李于京

安邱拔貢

周佇

即墨拔貢

王士梅

嶧縣恩貢

徐孔博

太安副榜

倪德儒

寧海舉人

宮丕基

寧海舉人

謝宜謙

福山拔貢

蔡致遠

壽張恩貢

邢悰

臨邑拔貢

朝城續志

卷之一

官吏

三

劉自新

掖縣舉人

馬中龍

齊河拔貢

張一達

樂陵拔貢

鄧雲瞻

堂邑拔貢

李鴻

舉人

曲元亨

進士

袁慎業

李芝

王金誥

臨淄舉人

李玉筍

歲貢

訓導

姚士都

益城歲貢

王興先

黃縣舉人

李崇義

堂邑舉人

楊明德

益都歲貢

王退思

鄒城歲貢

南成訓

海豐舉人

賈引潞

博平歲貢

王兆麟

掖縣副榜

王五教

壽張人

紀爾鑑

利津歲貢

胡益年

歷城歲貢

黃建樂

舉人



王忻 商河舉人 楊金華 泗水拔貢 鄭雲鵬

卜故啟 日照人 吳觀稼 沾化舉人 馮光第

趙浣 太安歲貢 吳勝杞 長山舉人 邢嶧 臨邑歲貢

張銘 王彥佑 安邱舉人 房慶錫 歲貢

劉桂森 歲貢 余朝梅 濟甯舉人有傳

潘士莪 聊城舉人

民國警官

秦銘恩 袁溥 邢文彬

王宗唐 修榮爵 項華林

朝城續志 卷之一 官吏 三五

民國職官

邢同泰 清廩生山東高等學堂畢業任本省省長教育科科員薦任候補縣知事

吳正祥 任陸軍第十五混成旅步二團三營營長

甯興元 陸軍步兵上尉七等文虎章濟南鎮守使署稽查員

邵鼎彝 任吉林第一監獄看守所所長

張占魁 陸軍步兵上尉七等文虎章第七混成旅步二團三營十二連連長

周士彥 任鄆城二等警佐調署濟甯充本縣遊擊隊隊長

郝道坦 任本縣警備隊長

吳鴻賓 任民國第一期山東省議會議員



茲穆卿 法律學校畢業山東省議會第一期議  
員任膠濟鐵路第三段 第二段警察

署  
長

王丙田 軍官學校畢業任邊防軍第二師六連排長

邢文彬 警察畢業民國元年任本縣  
等警佐調暑昌邑縣

薛觀政 任新城  
警佐

陳常 廩生省師範簡易科畢業  
任本縣視學所所長

謝彤恩 省工業專門畢業任本  
縣視學員長

郭映圻 省工業專門畢業任  
本縣高等小學教員

趙錫九 省第二師範畢業任本  
縣師範講習所所長

朝城續志

卷之一

官史

三

王連元 省第二師範畢業任本  
縣高等小學校長

郭映樾 附生省師範簡易科畢業任本  
縣清釐學務欸產員

張衍基 附生任本縣地方財政  
管理員

魏煥文 例監任本縣  
農會會長

岳秉鑑 師範講習所畢業任本  
縣圖書館館員

郭景申 師範講習所畢業任本  
縣講行所講員

郭錫公 省第六中學及省師範講習所畢業  
任曹州中學預備學校校長

戴秉鈞 省師範講習所畢業任本  
縣高等小學校長

孟憲武 省第三師範畢業任本縣  
高等小學教員



謝寶樹 省第三師範畢業任本縣  
高等小學教員

郭映田 省高等學堂畢業任本縣  
高等小學教員

王兆松 省立第三師範講習科畢業  
任本縣高等小學庶務員

韓登瀛 省第三師範講習科畢業  
任本縣講習所教員

白衍吉 附生師範講習所畢業  
任本縣勸學員

王敬儒 師範講習所畢業  
任本縣勸學員

苗懷新 師範講習所畢業  
任本縣勸學員

虞之臣 任本縣勸學員  
王吟長 法政畢業任本縣  
勸學員

李同雲 任本縣勸學員  
張之湄 任本縣高等小  
學庶務員

朝城續志 卷之一 官史 三

郭映林 任本縣勸學員  
郭興第 省單級總所畢業任  
縣單級分所所長

王可經 任本縣勸學員  
馬一經 省單級總所畢業任  
金鄉單級分所所長

王翰宸 任本縣勸學員  
左右之 師範講習所畢業任  
女子小學校員

霍子超 附生任本縣  
勸業員

王勳朝 附生師範講習所畢業  
任本縣勸業所書記

武存有 城區團長民國七年守城有功  
省長賞予二等獎章

郝汝信 附生自治研究所兼師範畢業任總團  
局長民國七年守城出力省長賞給

二等獎章

茲穆卿建議實行裁撤牛馬官車案



爲建議事凡屬差徭皆足病民而官車一項爲害尤鉅前清諮議局提議一律裁撤雖經通飭並未實行復經臨時省議會議決裁撤批准公布在案各縣知事遵章辦理者固不乏人而抗延不遵者亦所在多有自民國二年立法機關取消後而官車之害依然復熾查官車舊例車從民出價由官發似乎不爲民病而車票一出差役借此勒索地保借此誅求不惟車價不能給民而民間反受一番騷擾又况官車名目始惟報解錢糧例用官車後乃變本加厲凡幕賓之往來戚友之迎送門丁之遷移而至於縣署一切轉運罔不由民派車車一就道晝夜促進風雨不阻往返無常往往有牛死於途馬仆於道者此情此景殊堪憐憫當此民國復治豈容留此秕政以爲共和之缺點宜咨請省長通飭各縣仍照臨時省議會議決辦法實力奉行如有陽奉陰違再行抗延者准由民間告發一經查出立即懲辦

朝城續志

卷之一

官史

三

山東省長咨覆爲咨覆事案准 貴會咨開據本會議員茲穆卿建議實行裁撤牛馬官車一案經本會開會討論可決依法咨請查照施行等因到本公署准此除通令各道尹轉飭各縣知事一體遵照外相應咨覆 貴會查照此咨

吳鴻賓建議請飭各縣詳細宣佈罰款案

爲建議事罰金易罪律有專條秉公處理法盡善也第各縣執行率不公佈其依律科罰悉數實報者固不敢云必無作此過刻之論而以多報少匿有爲無者亦在所難免甚至劣紳指官詐財鄉民一因詞訟牽連盜賊誣扳等情伊卽百般敲詐輒言官府非罰多金不能完案鄉民之素日畏官如虎靡不懼滋拖累惟言是從迨至事後又不公佈其中之不實不盡鄉民無從能悉應請省長通飭各縣嗣後無論何項罰款除填發三聯單外悉行註明犯人姓名犯事理



由引用何律罰金數日每月彙案列表張貼署  
前俾眾周知則貪官劣紳縱欺本人之柔懦庶  
畏他方之監視以免知事之濫罰應報而杜劣  
紳之詐欺鄉民是否有當乞請公決  
山東省長咨覆為咨覆事項准 貴會咨開據  
議員吳鴻賓建議請飭各縣詳細宣佈罰款一  
案囑令各縣遵照辦理等因並附原案一件到  
署准此查各縣判處罰金之案章均應公佈俾  
眾周知除令飭高等檢察廳轉令遵照外相應  
咨覆 貴會查照此咨

### 學校畢業

李思敬

山東省立第六中學校畢業現  
在法國高等工業學校肄業

郭 鑫

山東省立法律專  
門學校畢業

陳 桓

山東省立第六  
中學校畢業

郭錫敬

山東省立第二  
中學校畢業

## 朝城續志

### 卷之一

官史

三九

楊紹程

山東省立第二  
中學校畢業

王可型

曹州師範學校  
簡易科畢業

陳宗唐

山東省立師範講習所畢業曾任本縣  
高等小學校教員

呂秀林

山東省立師範  
講習所畢業

郭錫丙

山東省立師範  
講習所畢業

牛萬卷

山東省立師範  
講習所畢業

翟清源

山東省立師範  
講習所畢業

楊振興

吉林憲政養成所畢業

郭興鈴

山東省立師範講習所畢業

王兆慶

山東省立第三師範學校講習科  
畢業

白凌雲

山東省立第三師範學校講習科  
畢業

孟傳周

山東省立第三師範學校講習科  
畢業



鮑鴻祥

山東警監學校  
畢業

王月波

山東警監學校  
畢業

王朝遴

山東武術傳習所  
畢業

安鴻德

山東省立第三師範學校本科畢業

朝城續志

卷之一

官史

三

前



科目

武陽地靈人傑甲第連綿於明為最逮滿清膺  
命文風仍蒸蒸日上乾嘉以後稍亞於前春秋  
聯捷雖不及武闡之盛而赴鹿鳴宴者猶不乏  
人爰筆之簡端以為斯文幸

進士

孫來賀 康熙丙戌科任廣西柳州府懷遠縣知縣調任西林縣知縣

舉人

山仲甫 號補職字樊侯雍正壬子科舉人所選時藝有五經樓小題折字不脛而走有

胡城續志

卷之一

科目

三

功後學其弟平甫雲甫男璉姪瑛瑞孫東泗東洙東山俱庠彥

蔡雲鴻 雍正癸卯科舉人 孟允彬 雍正乙卯科

楊統正 雍正丙午科授內閣中書任四川汝寧府蒼溪縣知縣

田清漣 乾隆乙卯科舉人 山東泗 乾隆壬申科

賈 焯 乾隆己酉科舉人 趙 乾隆

謝家謨 乾隆甲午科舉人

賈昌齡 嘉慶乙未科恩賜舉人

馬化龍 嘉慶戊辰恩科舉人大挑一等分發雲南候補知縣

吳汝昌 嘉慶丁卯科舉人詳鄉土志



蔡鐸 嘉慶庚午科舉人

孔憲唐 同治癸酉科舉人 充學富兩試禮闈 不獲售大挑一等遇病未赴任鄉人推

充秋四里長辦事精勤不憚勞勩聯合鄉團 為禦賊計西北鄉依為保障

孫其漚 恩賜舉人

李仲驥 光緒己丑恩科舉人 耽精文藝前為高 堂州主講邑人重其學聘為本縣教習

副榜

种 砢 乾隆辛酉科 謝亮 道光恩賜科

趙纂修 乾隆癸酉科 宋培爵 道光己亥科恩賜

謝勤書 道光乙酉科

朝城續志 卷之一 科目 三

宋錫祺 道光己亥科

李丙坤 光緒辛卯科

武進士

楊 璽 乾隆甲辰任陝西洮衛守備

孫建邦 光緒癸未殿試花翎侍衛任雲南景孟 營參將

郭紹泰 光緒丙戌殿試藍翎侍衛詳士志

田河光 光緒甲午恩科進士營用守備

宋澂濁 光緒甲午恩科進士營用守備

武舉



馮廷標 乾隆年間武舉

李攀龍 嘉慶己亥武舉補萊州營把總奉調赴川勦賊陣亡

宋德潤 道光戊子科

郭振海 道光癸卯任定陶縣把總

邵懷之 道光癸卯科

孫延畧 咸豐壬子授濟甯州河標中營都司署參將事升河南府協鎮

孫延策 咸豐己未恩科授江淮衛督運千總

孫安邦 咸豐辛酉科拾匪擾朝率團兵拒賊陣於胡家窩戰敗遇害子冠英以父功世襲雲騎尉歸標曹鎮授鄆城縣把總

朝城續志 卷之一 科目

三

郭癸元 同治壬戌恩科 宋明良 同治壬戌恩科

靳殿璽 光緒己卯科 邱鎮國 光緒癸巳科

馬維翰 光緒丙子科

王慶凱 光緒己丑恩科

韓殿卿 光緒己丑恩科

馬公田 光緒丁酉科

張士良 光緒丁酉科

孔慶昌 光緒丁酉科

李龍堂 光緒甲午科



鄉賢

鄉賢者何行誼允協鄉評當日稱其賢後日亦稱其賢者是也是必處為良儒出為循吏負完全之品者然後可當之而無愧苟綱常名教稍有未饜乎人心縱爵秩崇隆赫烜一時沒則已焉烏能濫叨榮施而俎豆萬世故上下百餘年間堪入祠以配享者恒寥寥無幾焉謹述所稔聞而素所深悉者以誌之

方川楊公

諱增附貢生廣西平樂府知府有循吏聲其弟琳圃公諱墳附貢生初在

安徽阜陽縣知縣以公能吏調用江南江寧府溧水縣知縣又陞湖南寶慶府邵陽縣知縣歷官三省政績卓著去官之日邑人攀轅卧轍男女揮涕無不戀戀係之者甘棠遺愛其在是歟公酷好書籍凡有益身心之書不惜重價以購之元明之世科第連綿登仕籍者不知凡幾及公兄弟花萼同輝循良並稱洵堪俎豆千秋矣

我公吳君

諱汝昌我朝望族也幼而聰穎長敦詩禮孝友根於天性其嚴君諱方

南字蘅圃乾隆己酉科拔貢博學能文庭訓綦嚴嘉慶丁卯科先生以弱冠登賢書大挑一等以知縣用歷署南鄭韓城等縣補郿縣正堂洊升甯羗州知州所至有惠政凡一切賑荒濟貧往往捐廉俸為之陝人呼為吳青天誠不虛也後卒任所子扶櫬旋里甯旅邸概不取值先生處為良儒出為良吏洵無愧於一鄉之望而宜入祠於鄉賢者也先生子瑛山道光己酉科拔



貢任孫式基同治癸酉科拔貢曾孫珂光緒乙酉科拔貢書香世世無替焉

後學歲貢生謝得所

### 僑廬

大邑名都地域之華嶽也奇行至詣人物之斗樞也人以地誌地以人傳有由來矣儀封下邑也尼父經過光昭奕禩石門僻壤也仲由投宿名著千秋名人異士耕釣所留山川生色此僑廬之所以志也

### 石庚

浙江進士也光緒三年秦應達宰朝聘致幕府主刑名事已卯赴北關中式第二十八名

舉人甲辰聯捷分發河南任用知縣有能吏名陞開封府尹

### 張耀樞

字詩岩安徽桐城縣增生父徵庸任詔安知縣粵匪亂漳奉命往勦陣陷罵賊而死

張幼慧六歲能文有神童之目工詩賦善詞曲尤精醫學地理諸書著有龍眠山館詩稿丁酉科應試本省薦充大魁因額滿見遺光緒初年同鄉周香帥巡撫山東聘為從事周去後又入嚴中丞幕府因登山跌足辭職養疴自此運蹇時乘謀多不遂光緒二十一年周忠清宰朝從作幕賓期年歸省垣民國肇興心情乖違落落寡合民國四年同鄉孫逢吉攝篆我朝招赴任所為設一官醫局廣給薪水頗足自贍未几醫局取消赴濟謀事病故寓所



貢監

周禮重賓興之典王制有進士之日下貢賢書上必拜受自古為昭矣無論每歲貢間歲貢以及國慶有恩酉年有拔皆自鄉學貢於國學推之廕子輸粟而例貢亦可由他途進身以膺民社爰為志之以見立法之周且密而天下可無遺才焉

拔貢

馬璫 雍正丁酉科拔貢候選縣丞

朝城續志

卷之一

貢監

二十九

吳方南

乾隆己酉科拔貢候選直隸州州判游學京師性揮豁所交皆知名士

趙世昌

乾隆辛酉科拔貢

李業 拔貢

謝嘉穎

乾隆癸酉科拔貢任平縣教諭

謝嘉淦

乾隆乙酉科拔貢朝考分發山西省任用知縣

邵明德

嘉慶癸酉科拔貢

趙聿修 拔貢

謝宸

道光乙酉科拔貢

樊世清

道光丁酉科拔貢

吳瑛山

道光己酉科拔貢與兄耀山篤于孝友詳見藝文志

孫鴻恩

咸豐辛酉科拔貢朝考一等由戶部主事轉吏部主事陞員外郎



吳式基 同治癸酉科拔貢候選直隸州州判

吳珂 光緒乙酉科拔貢

孫冠甲 光緒丁酉科拔貢候選直隸州州判分發河南

李叔巖 宣統己酉科拔貢

劉觀海 宣統己酉科拔貢

歲貢

謝鈞 康熙十四年貢 趙繼修 副貢

蔡秉書 康熙十七年貢 趙敬修 歲貢

謝汝為 康熙十九年貢 趙正修 歲貢

朝城續志

卷之一

貢監

三

蔡聯珠 康熙二十一年貢 趙樸 例貢

謝國勳 康熙二十三年貢

馬元猷 康熙二十六年貢

賈楠 康熙二十八年貢

楊墳 康熙辛酉貢任安徽潁州府阜縣知縣 又任江南江寧府溧水縣知縣 湖南寶

慶府 邵陽 縣知縣

孫士斌 康熙三十年貢授黃縣教諭

謝玉佩 康熙三十二年貢

謝汝賢 康熙戊午貢授山西蒲州府同知任江 西瑞金縣知縣



謝福 康熙三十五年貢 李向榮 咸豐三年貢

賈淑泗 康熙三十五年貢 馬觀龍 咸豐五年貢

謝祐 康熙三十八年貢授四川保寧府同知

趙瑞修 康熙四十年貢 謝本莊 康熙四十年貢

謝家訓 康熙四十七年貢 郝萬年 道光三十年貢

謝本大 康熙四十九年貢 謝本誠 康熙五十年貢

謝家樂 康熙五十三年貢 孔廣惠 咸豐八年貢

趙光趙 康熙五十年貢 謝貞吉 康熙五十七年貢 張秉仁

趙汝誠 康熙五十八年貢 謝家寶 康熙六十年貢 鄭沈

朝城續志 卷之一 貢監

趙寶樹 雍正元年貢 賈廷管 雍正四年貢

謝宣 雍正七年貢 謝書升 雍正十年貢

馬元端 雍正十三年貢 謝書帶 乾隆二年貢

馬恂 乾隆二年貢 謝宸 乾隆間貢

謝嘉奎 乾隆五年貢 孫延哲 乾隆八年貢

謝兆齡 乾隆九年貢 劉仲達 乾隆十一年貢

賈其中 乾隆三十五年貢 孫持衡 乾隆三十七年貢

謝朝佐 乾隆四十五年貢 江濟廣 嘉慶五年貢任莘縣教諭

馬元猷 道光元年貢 謝岱齡 道光庚子貢



馬 鉞 道光三年貢教授濮陽從遊者眾道光  
丁未進士馬新貽官至總督先生高弟  
楊照烟 道光壬寅歲貢學品兼優厥子五人獲  
多文生恩多三多俱武生化多貢任莘

縣教  
論

戴金聲 道光十八年貢性情靜謐經術湛深所  
著詩古文詞均留為手口澤子元孫恩  
名列庠序教授多人足以廣先生之傳可謂  
累世書香矣

謝 瑛 咸豐五年貢

李 晨 同治八年貢候選訓導文章經術卓越  
一時屢領房荐而未獲售及門竊緒餘  
以成名者不可屈指數其子之蕃英年食餼  
鬻序蜚聲洵為橋梓濟美云

張董書 同治九年貢天資高邁詩古文詞無不  
精詣

朝城續志 卷之一 貢監 三

楊化多 同治十一年貢授莘縣教諭

孫逢震 同治十三年貢  
李薪傳 同治十三年貢

吳式穀 同治十三年廩  
秦河松 同治十三年貢  
事詳藝文志

孫玉藻 光緒元年貢  
郝天奇 光緒元年貢

郝西揚 光緒三年貢  
樊中衢 光緒三年貢

趙從先 光緒五年貢  
周化南 光緒八年貢

董振拔 光緒十年貢  
王永清 光緒十二年貢

高夢元 光緒十五年貢  
茲習經 光緒十五年貢

王毓芳 光緒十七年貢  
郭錫爵 光緒十八年貢

貢侯選訓導



劉靜淮 光緒十九年 貢  
李岱雲 光緒二十一年 貢

吳玉書 光緒己丑歲貢明進士吳忠傳之後裔也經義淵博文詞敏瞻九試棘闈屢荐

不售教授生徒講誨勤懇及門諸子科歲兩試蟬聯掇芹人有點石成金之目著有論義訓蒙草刊梓行世為初學津梁性慷慨好施予窮乏到門有求必應邑侯袁公派修鄉土志公操楮政纂輯成帙

李丙辰 光緒二十年 恩貢 謝得所 光緒丙申年貢

賈銘恩 光緒戊戌年貢 王培之 廩貢候選通判

蔡春山 光緒二十八年貢

張允升 光緒甲辰歲貢張董書之季子也詩詞文章雅善古今體氣概洒如與父齊名

朝城續志 卷之一 貢監 三

鄉試屢荐不售及門受業者咸成名以去纂修鄉土志公有力焉

戴惠 光緒三十一年 貢 袁廣生 光緒三十三年 貢

邵燧 宣統元年貢 吳觀書 附貢

李奎藻 廩貢 戴庚辰 附貢



佐貳

國家取士或以言揚或以事舉或以材勇或以世籍非一途也漢用制策唐用科舉宋元因之明於文武兩科外增加吏目登進之途較廣故士無遺才人多奮勵延及滿清又加軍功一途謀勇之士籍資奮飛者勲猷卓著得與科第齊名爰乃類記其人以資鼓勵

种

振

乾隆年間因縣飢賑救貧民保授江南銅陵縣大通鎮巡檢

戴

琰

乾隆年間文生以河工保舉六品職銜

朝城續志

卷之一

佐貳

三四

孫作賓

候選縣丞分發江蘇署理豐縣知縣

葛鴻儀

邑廩生宣統元年由本省改職分發蘇州候補巡檢補授上海縣末之官武昌

革命

吳鴻賓

光緒三十二年分發江蘇候補巡檢

王培之

廩貢光緒二十六年遵籌餉例捐授通判分發河南

孫冠甲

光緒丁酉拔貢分發河南省候補州判履膺差委



武胄

自來膺專閫之任堪為大將者歷代史冊班班可考豈非以武衛之威足佐文教所不及哉我朝毗連魯衛類不屑以武鳴高然敵愾禦侮立功疆場者未嘗無人是又烏可以不書

馬岐山

邑庠生成豐十一年三月十七日教匪陷城岐山築圩自固莘縣閭營從政為

各匪首領十月間大帥勝保督兵來勦岐山請為先鋒領其穴巢殺戮無算臬憲丁寶楨知岐山勇果檄召隨營勦賊屢立戰功保府經歷分發江蘇候補

郭振海

道光癸卯科武舉歸標特授定陶縣把總

朝城續志

卷之一

武胄

三五

孫延畧

咸豐壬子科武舉授濟甯州河標中營都司署參將事陞河南府協鎮

孫延策

咸豐己未恩科武舉授江淮衛督運千總

孫冠英

光緒十年以世襲歸曹標補授鄆城縣把總

熊新書

同治十年以軍功歸曹標署理范縣守備

楊善行

同治十一年以世職歸標候補守備

亢起德

咸豐二年以軍功補授開州營左哨把總加都司銜

孫榮甲

同治十三年隨營効力以軍功授濟甯州城守營都司

孫緒銀

光緒五年任豫河營守備加都司銜

孫鵬恩

光緒二十年任安山把總



張文標 光緒十年濮州營用儘先千總子文生星

李大成 武舉攀龍子以世職歸標署張秋鎮守

李鵬霄 大德子接襲歸標歷署守備都司缺嗣

都司銜防堵諸要處子芳傳以曹標濮州營

蔡清誥 文生因在冠縣勦匪陣亡由冠縣知事

袁治凱 以軍功歸曹標帶練勇馬隊加都司銜

劉振興 光緒十五年授河防營統領甲午之役

李興旺 隨大軍東征光緒十五年授河防營統領甲午之役

李向春 監生以辦團勦賊功保五品銜賞給功

朝城續志 卷之一 武胄 三

張大生 以世職歸標補用守備

邵翼之 增貢生成豐十年奉憲札辦團南北防

率賊眾擾朝攻破舍利寺圩大肆屠戮公率

文生邵丙午武生劉景賢武生閔克順耆老

周廷標等及敢死百餘人與賊巷戰殺賊數

百卒以眾寡不敵邵丙午閔克順周廷標等

力竭遇害公之不死殆有天幸噫亦危矣

左兆科 候用千總暨男潤之附貢候選訓導

馬維 候用千總

江景良 以世職州標補用守備

長勝 由河標千總補授守備

長清 民國三年任西湖水師營長



殉難 世職附

同治二年匪眾張遇獲等攻陷舍利寺圩男女遇害者不計其數奮勇敢死之士邵丙午等率團丁與賊巷戰殺賊數百賊眾披靡出圩者再卒以賊眾我寡力竭而死同死者六七十人謹志姓名以昭義烈

王步衢

文生禦賊殉難子吉人以父功歸標署張秋鎮守備孫可經接襲歸標以守備用

江景祥

文生禦賊殉難子銀漢以父功歸標補用守備

邵懷之

武舉禦賊殉難孫鳳棲請恤雲騎尉歸撫標左營補用守備

朝城續志

卷之一

殉難

三七

邵信之

監生禦賊及子在阿同遇害孫鳳苞請恤騎都尉歸撫標左營委署鉅野縣守備

邵振之

監生禦賊殉難子祿階請恤雲騎尉歸撫標右營賞藍翎加都司銜以儘先守備補用

邵敬之

監生禦賊殉難孫光祖請恤雲騎尉歸撫標右營補用守備

邵安之

增貢禦賊殉難孫鳳翥請恤世襲雲騎尉

邵丙午

文生保六品軍功禦賊殉難子鳳翔請恤世襲雲騎尉

邵秀春

文生禦賊殉難子覃恩請恤雲騎尉歸鎮標以守備用

劉文峯

禦賊殉難子景忠請恤雲騎尉歸鎮標署張營標委署張秋鎮守備

常景唐

監生禦賊殉難子干成請恤雲騎尉歸鎮標署張營署理莘縣把總



潘月桂

文生禦賊殉難子廣奇請恤世襲雲騎尉

武生閻克順

武生劉景賢

耆老周廷標

張士曉

張文會

石長德

趙春城

楊心傳

趙秀嶺

楊心誠

監生江勤書

石長嶺

監生楊富貴

劉則安

趙東周

楊福增

劉德修

趙鶴年

張法起

六品郃朋助

郃錦春

劉雲亭

王明堂

張根成

王德隆

种惠廣

常景虞

种尙樂

江連三

种永康

王順合

郃朋顯

朝城續志

卷之一

殉難

三六

种尙穉

周廷美

种良義

江心誠

趙興望

王大勇

种道原

武存仁

陳連奎

趙清勤

趙玉堂

劉履祥

趙和祥

劉東山

宋萬春

趙存興

石孔士

趙瑞祥

楊來珠

張貴先

趙德富

劉德行

張來祥

郃芳春

劉存良

王占先

种玉琳

江四海

种好學

种連科

周逢祥

王漢衢

劉在春

高逢嶺

趙金標

王永康



附河工保舉

邑城東舊有洩水河上起大井村下至東昌府年久河淤每逢

秋潦大水淹稼受害甚劇增貢生邵翼之稟縣濬修率眾督工不憚勞瘁工竣同事諸人保獎職銜各給六品功牌以為憑照謹誌姓名於左

張文奇

趙月桂

种文禮

江景立

楊端本

邵爾遜

趙月明



孝義節烈

孝義節烈人世之大綱天地之正氣也人之能  
永世者若忠孝若節義得天地之正氣歷久不  
泯山川因之而生色草木得之而呈祥嘉落瑰  
奇馨香千古此世之所以能永也否則真精云  
亡人而鬼矣世烏乎永

孝義

謝世孝 夏廟武生廬墓三年傳見藝文部

吳九鳳 周武庄人家赤貧母病不思飲食醫藥罔效九鳳禱天願割已肉以代醫藥為

朝城續志

卷之一

節烈

四

母請命禱畢割肉一臠煮以進母食之即愈

馮丕溫 湯藥日不交睫卒時哀毀盡禮結廬墓

側置主其中焚香哀泣無虛日兩經盜劫至傷面額初志不渝生死存亡事之如一

王聞多 周庄人性篤孝黃公題賜扁額以旌其

孟興善 南街人家不中貲慷慨好施得錢周急每屆冬寒煮粥飯典衣市米無吝色邑

令文龍題為善不倦匾額以表厥門閭

邵際辰 邑諸生南關人適雷庄道拾遺金二百餘兩向晚遺金者挽人往謁邵跪哀之

邵慨然返璧一無所

留其人感謝而去

郭會藻 邑廩生郭渭濱之子性篤孝父病思肉急切不得藻割胸肉煎進之父食病已

人謂孝行所感云



葉普潤

南關人業儒未就習外科市葯醫貧求

嗚呼天之報施善人爲不爽也

王培之

王庄人廩貢生試用河南通判世亂未

擇絕不計較

節婦

戴謝氏

幼嫻閨訓明大義適儒童戴玉清年餘

夫故氏躡踵號痛誓以死殉勒喉者再

姑慰之曰媳勿爾汝兄次子惠已五齡矣應

爲汝子氏乃雪涕言曰如是則兒夫不爲無

嗣願卽收養撫視若已出數年翁歿與姑同

宿飲食起居曲慰姑心子惠弱冠食饋氏有

孫氏

團長張文德公季子臨可之妻也夫值亂

遇害遺一女甫周歲翁又陣亡恒產數畝

茹苦合辛四十餘年矢志靡他

朝城續志

卷之一

節烈

聖

鄭氏

諸生種文彬之妻也夫少亡遺子銀龍僅

數齡教養勤劬弱冠探芹蜚聲翼序氏之

孫氏

東孫庄孫作訓女適陽穀縣境莊海莊繼

顏姑病醫葯罔效氏殷勤奉侍冀適姑意姑

素厭婦輒不中意及病甚婦問膳姑昏沈中

應曰他不欲食欲食汝肉婦無言而退割胸

肉一臠忍痛煎奉不言何肉姑食之愈後知

婦孝追悔欲死遂厚遇婦邑侯胡公上其事

李氏

葛庄李典昌之姑母也許字王樓文生周

朝棟未于歸周亡氏聞訃悼痛欲死誓不

他字泣告父母素服往弔禁之不可入門以

婦禮謁見翁姑輒留不去守節終身卒年九

十人無異議

趙氏

岳明通之妻奉旨入祠



薛氏 北沙河薛連升之女年十八適馬庄田海泉于歸數月夫亡既葬之夕氏即吞毒幾至於死翁姑救之甦守視數日百端勸慰氏心回孝事翁姑始終不渝族眾請旌奉旨立碑以表揚之

王氏 西孫庄郝元音之妻也元音歿遺孤士林僅三歲稍長訓誨不少寬假後士林為邑增生親族咸嘖嘖稱之

趙氏 郝天珍之妻也增生湛恩之母也天珍卒予俾汝零丁每一念之懷然腸斷成敗由汝吾不鮮汝矣後湛恩成名對人誦母訓詞聞者每至隕涕

張氏 主簿營田慶湛之母也夫早亡氏撫孤守節刻苦自勵族人請旌立碑入祠

丁氏 北王庄王盡誠之妻也于歸週歲夫故盡誠家貧無昆仲翁早逝氏憐姑勞無所依

朝城續志

卷之一

節烈

望

矢志不嫁為操井回以養之

高氏 魯尚德之繼妻適魯數月夫亡遺女三歲撫如己出矢志終身沒年九十人無間言

郝氏 王得臣之妻姑病醫藥不效婦禱於天割胸肉一瓣煮以進姑以代醫藥姑食之愈

人謂婦誠所感立碑旌之

孫氏 劉克成之妻將于歸夫亡氏聞往弔抱夫木主靈前成禮遂留不去孝事翁姑終無異志親族為之立

繼卒年七十九歲

郭氏 吳台劉繼烈之妻年十七適劉二年夫亡依姑自勵苦守冰霜四十餘年歿無間言

族人請於縣旌表之

趙氏 吳台劉懋亮之妻母家貧不育十四歲子歸少懋亮數歲逾年懋亮病故母家迎歸



議令他適氏矢志如鐵石始終不移孝事翁姑卒年七十六歲

孫氏 郭玉美之妻婚數載夫亡遺一子甫週歲事親撫孤朝夕弗懈晚年性嚴教誨子孫

不少寬假家漸富人口繁盛曾孫朝遴入邑庠朝舉朝楨朝簡皆列國學

劉氏 前彎堤吳河之妻奉 旨建坊節孝坊在村東年久事難詳攷

楊氏 吳方西之妻奉 旨建坊旌表節孝坊在城內東街

龐氏 郭鳴崗之妻 孫秀廷 之妻劉氏

常氏 郭渭源之妻 陳氏 孫連城之妻

梁氏 文生孔昭漢之妻 邱氏 郝天章之妻

趙氏 賈雲梯之妻 李氏 王士用之妻

朝城續志 卷之一 節烈 三

徐氏 楊慎行之妻入祠 朱氏 劉日蒙之妻

邵氏 楊恩多之妻入祠 姚氏 戴鴻道之妻

賈氏 張存禮之妻 孫氏 謝堃之妻入祠

宋氏 前彎堤張如崗 孫氏 樊世成之妻 之妻

田氏 戴盈詩之妻 謝氏 戴鴻達之妻

高氏 北王庄王鳳城之妻庚午科舉人高鴻漸之女青年苦節奉 旨旌表

烈婦

李氏 戴吟詩之妻婚二年夫亡氏晝夜涕泣誓不獨生以姑媳防視嚴密無隙可乘越數

日婦與家人在祭墓秘懷剪刀乘眾號哭刺喉死親族哀其志稟縣具文請旌以表其烈



邵氏 劉桂芳之妻  
詳鄉土志

烈女

劉氏 劉桂芳之女與母  
同烈詳鄉土志 張氏 張鶴林之女詳鄉  
土志

俠婦

楊氏 有傳見藝文

夫婦雙孝附

馬克印 性至孝娶武氏亦克諧家貧奉親不缺  
甘旨親病嘗糞辨疾事出至誠無勉強

馬金玉 為馬氏養子性至孝妻順成之晨昏定  
省指使無不如意家貧自飯粗糲甘旨不

缺於親奉時或金玉出外家無升斗妻雖拮

朝城續志

卷之一

四

据照常供給城中  
有夫婦雙孝之目

孝婦

王氏 郝毓岩妻割肉奉姑縣令任公賜其匾額  
天鑒孝誠四字

于氏 西三里營熊淑  
澤之妻 宋氏 胡集胡有智之妻

戴氏 苑莊周照月之  
妻 孫氏 西郭爐郭興雲之  
妻

尹氏 孟莊孟仁民之  
妻 王氏 餘糧海胡立中之  
妻

張氏 南關史崑山之  
妻 蘇氏 張寨劉承先之妻

朱氏 程路口程義學  
之妻 李氏 李排營徐光德之  
妻

程氏 李攀桂之妻 王氏 南關周延楹之妻



鄭氏 西王樓王三書之妻 岳氏 孟莊孟澤珠之妻

周氏 西郭爐郭文德之妻 張氏 南關任廷鐸之妻

蔡氏 本城米天榮之妻 蘇氏 張寨張六合之妻

常氏 侯莊舖郝克忱之妻 楊氏 康園房克禮之妻

吳氏 十里舖李興家之妻 辛氏 李莊吳孟學之妻

趙氏 岳明吉之妻 王氏 高莊李福來之妻

董氏 謝莊謝鳳崗之妻 郝氏 白廟王富興之妻

呂氏 孫花園孫纘茂之妻 王氏 南關吳廷玉之妻

韓氏 賀莊賀蘭亭之妻 李氏 許家海王佃林之妻

朝城續志 卷之一 節烈

王氏 賈莊賈宜宇之妻 潘氏 北安頭沈東周之妻

劉氏 楊莊李文仲之妻 孔氏 謝莊謝克學之妻

謝氏 北關巨開阡之妻 孫氏 夏廟謝士榮之妻

謝氏 西關鞏學詩之妻 邵氏 江樓江春芳之妻

孫氏 孟莊孟兆鵬之妻 邵氏 賈莊賈鍾禧之妻

郝氏 王舖王來住之妻 孫氏 孫克成之妻

馬氏 本城左汝龍之妻 王氏 邵心尼之妻

高氏 蘇村周廷珍之妻 王氏 馬蘭昇之妻

邵氏 東台頭楊恩多之妻 夫早亡同治十二年 拾匪擾朝村民爭避婦扶母逃亂中途被



擄賊脅以威出語穢褻婦忿罵不絕口賊怒殺之

岳氏 蘇清連之妻 張氏 閻莊閻景山之妻

毛氏 張端王合仁之妻 趙氏 秦廟秦景光之妻

秦氏 沙河吳樹廷之妻 趙氏 城內劉青山之妻

劉氏 南關黃麟猷之妻 吳氏 程莊程清波之妻

邵氏 虞舖虞德成之妻 岳氏 邵敏公之妻

戴氏 甄莊許來興之妻 韓氏 趙莊趙逢源之妻

吳氏 閻莊白玉璽之妻 劉氏 小屯于好禮之妻

吳氏 拾張營丁元禮之妻 田氏 沙河王里選之妻

朝城續志 卷之一 節烈

桂氏 安頭馬鳴玉之妻 劉氏 孔莊孔昭和之妻

趙氏 潘相林之妻 謝氏 鄭莊鞏永禮之妻

徐氏 台頭楊慎行之妻 吳氏 韓莊程存仁之妻

張氏 吳莊吳振岳之妻 李氏 甄莊許王壺之妻

胡氏 東孫莊孫朝玉之妻 渠氏 呂村李養邃之妻

王氏 李心一之妻 謝氏 雷莊戴玉清之妻

于氏 康園張允清之妻 王氏 東孫莊孫鳳桐之妻

張氏 渠店王慶雲之妻 張氏 周海周清峯之妻

程氏 函丈楊立道之妻 戈氏 郭爐郭文曾之妻



辛氏 胡集胡尚義之妻

謝氏 孫繡之妻

孟氏 齊海張光岳之妻

張氏 南關邵儁之妻

徐氏 王庄王天爵之妻

王氏 蘇堂劉文芳之妻

邵氏 袁邨袁順成之妻

烈女鄭氏 奉 旨旌表

崔氏 韓張店趙麟臣之妻

馬氏 任屯郭懷智之妻

魏氏 畢屯謝耀之妻

邵氏 文生任良之妻

李氏 北關蔡聯級之妻

徐氏 江世華之妻

李氏 本城孫林之妻

刑氏 江世勲之妻

王氏 大吕村吕鈞之妻

李氏 蘇村周廷傑之妻

朝城續志

卷之一

節烈

四七

毛氏 徐家樓徐源之妻

段氏 袁永楨之妻

郭氏 周海周逢源之妻

蔡氏 北關左世琦之妻

王氏 大寺陳鑑之妻

王氏 邵震之妻

楊氏 五里屯趙中之妻

吳氏 小吕村王乾一之妻

江氏 江樓江占鰲之妻

胡氏 王店宋丕謨之妻

馬氏 舍利寺常伯樂之妻

馬氏 謝燧之妻

靳氏 齊海張福朝之妻

周氏 本城吳同賓之妻

孫氏 郭玉美之妻

周氏 謝庄李登閣之妻

連氏 華佛寺王國秀之妻

李氏 孫花園孫廷封之妻



郭氏 司庄司鼎衡之妻 趙氏 劉庄劉興如之妻

劉氏 王坊王士勗之妻 王氏 劉庄張景華之妻

王氏 栗庄栗華山之妻 張氏 黃廟徐繼善之妻

韓氏 孔堂張書籍之妻 范氏 主簿營邱同華之妻

王氏 吳庄孫繩勳之妻 李氏 李排營李世爵之妻

烈女劉舉姐 詳見鄉土志 朱氏 孫庄孫桂發之妻

吳氏 梁庄梁君選之妻 孫氏 殷庄陳廷蘭之妻

洪氏 城內蔡金名之妻 蔡氏 城內左國霖之妻

陳氏 五里堠宋位西之妻 孔氏 五里侯宋位中之妻

朝城續志 卷之一 節烈 四

宋氏 許海王錫勇之妻 趙氏 吳庄佾生丁掄元之妻

謝氏 文生丁法聖之妻 張氏 王永發之妻

邵氏 寇庄魯全德之妻 朱氏 吳庄吳繼昌之妻

王氏 吳庄吳道同之妻 程氏 道同子吳汝強之妻

張氏 吳庄吳海存之妻 苗氏 吳庄吳永全之妻

劉氏 北王庄王瑞嶺之妻 徐氏 東趙庄趙興運之妻

張氏 北王庄王書帶之妻 丁氏 北王庄王培元之妻

魏氏 畢屯謝曜之妻 邵氏 畢屯謝際唐之妻

劉氏 畢屯謝應時之妻 郝氏 程海程双璧之妻



王氏草佛寺王鳳學之妻

王氏西賈莊賈書田之妻

陳氏西賈莊文生賈廷賀之繼室

馬氏馬鏞之妻

趙氏土陳家陳忠江之妻

蔡氏左世琦之妻暨孫媳馬氏兩世貞節

李氏張魯楊俊之妻暨男元春之妻武氏孫國章妻楊氏均係青年喪夫貞潔自持邑令匾其門曰三世貞節

補遺

王朝法王金河之子割肉奉母縣令旌之日純孝可風

朝城續志

卷之一

節烈

四九

戴氏處士郝培福之妻庠生戴傳緒之女住孫莊

謝氏文童戴壬辰之妻住前戴莊





藝文志

文者言也志者誌也德行道義非文不傳事業勲猷非誌不傳曰言身之文也又曰言之無文其行不遠文之爲用彰彰矣夫文爲古今之命脈人世之精華雨露風雷爲慘爲舒至理存焉然無文以發明之則至理不顯山川草木繪聲繪象光輝厲焉然無文以歌咏之則光輝頓減又况人生在世轉瞬不存而或貴若寶珠壽如金石歷萬古而不泯者富貴不能爭權勢不能奪惟藝文之力可以致之藝文顧可少備徵攷

明倫堂東偏碑記

康熙四十一年

御製訓飭士子文

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢材蔚起庶幾棫樸作人之意乃比來士習末端儒教罕著雖因內外臣工奉行未能盡善亦由爾諸生積錮已久粹難改易之故也



茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考義毋雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻健自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社

要盟乃如之人名教不容鄉黨弗齒倖逃禠朴濫竊章縫返之於衷能無愧乎况乎鄉會科名乃掄才大典關係尤鉅士子果有真才實學何患困不逢年願乃標榜虛名暗通聲氣夤緣詭遇罔顧身家又或改竄鄉貫希圖進取囂凌沸騰罔利營私種種弊情深可痛恨且夫士子出身之始尤貴以正若茲厥初拜獻便已作姦犯科則異時蕩檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓茲訓言頒到爾



等務共體朕心恪遵明訓一切痛加改省爭自琢磨  
積行勤學以圖上進國家三年登造束帛弓旌不特  
爾身有榮卽爾祖父亦增光寵矣逢時得志寧俟他  
求哉若仍視爲具文玩愒弗做毀方躍冶暴棄自甘  
則是爾等冥頑無知終不能率教也旣負栽培復干  
咎戾王章具在朕亦不能爲爾等寬矣自茲以往內  
而國學外而直省鄉校凡學臣師長皆有司鐸之責  
者並宜傳集諸生多方董勸以副朕懷否則職業弗  
修咎亦難追勿謂朕言之不預也爾多士尙敬聽之  
哉

明倫堂右偏碑記

御製訓士文

諭爲士者乃四民之首一方之望凡屬編氓皆尊之  
奉之以爲讀聖賢之書列膠庠之選其所言所行俱  
可以爲鄉人法則也故必敦品勵學謹言慎行不愧  
端人正士然後以聖賢詩書之道開示愚民則民必  
聽從其言服習其教相率而爲謹厚或小民偶有不  
善之事卽懷愧恥之心相戒勿令某人知之如古人



之往事則民風何患不淳世道何患不復古歟朕觀今日之士雖不乏閉戶勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視聖賢之書矣士習不端民風何由而正其所關係極爲重大朕自卽位以來加恩學校培養人材所以教育士子者無所不至

宜乎天下之士皆鼓舞奮興爭自琢磨盡去其佻健之習矣而內閣諸臣條奏中臚列諸生之劣跡請行嚴懲者甚多朕思轉移化導之法當先端其本原教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故事而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之不端而風俗之未淳也朕孜孜圖治欲四海之大萬民之衆皆嚮風而慕義革薄而從忠故



特簡督學之臣慎重教官之職欲使由上而下端本  
澄清以收實效也凡爲學臣者務須持正秉公宣揚  
風化於教官之稱職者卽加薦拔溺職者卽行叅革  
爲教官者訓誨士子悉秉誠心如父兄之督課子弟  
至於分別優劣則至公至當不涉偏私各盡其道則  
士子人人崇尚品詣砥礪廉隅且不但自淑其身而  
羣黎百姓日聞善言日觀善行以生其感發之念風  
俗之不變庶幾其可望也特諭

雍正七年六月立

朝城縣續志

卷之

五

明倫堂左偏碑記

御製平定準噶爾告成太學碑文

乾隆二十年

邈矣山戎熏鬻旃裘毳幕之人界以龍沙畜其驪奚  
雖無恒業厥有分部蓋自元黃剖判萬物芸生東夷  
西夷各依其地謬舉淳維未爲理據皇古莫紀其見  
之書史者自周宣太原之伐秦政亘古之築莫不畏  
其侵軼猾夏是虞自是厥後一二奮發之君慨然思  
挫其鋒而納之宥然事不中機材不副用加以地遠  
無定處故嘗勞衆費財十損一得搢紳之儒守和親



爪胃之士言征伐征伐則民力竭和親則國威喪於是有守在四夷羈縻不絕地不可耕民不可臣之言興矣然此以論漢唐宋明之中夏而非謂我皇清之中夏也皇清荷

天之寵興東海撫華區有元之裔久屬版章歲朝貢從征狩執役惟謹噶爾厄魯特者本有元之臣僕叛出據西海終明世爲邊患至噶爾丹而稍彊吞噬鄰蕃闌入北塞我

皇祖三臨朔漠大破其師元惡伏冥誅脅從遠遁跡毋俾遺種於我喀爾喀厥姪榮妄阿拉布坦收其遺孽僅保伊犁故嘗索俘取地無敢不供逮夫部落滋聚乃以計襲哈密入西藏準夷之勢復張

兩朝命將問罪雖屢獲捷而庚戌之役逆子噶爾丹策楞能用其父舊人乘我師怠掠畜於巴里坤擣營於和卜多於是而準夷之勢大張然地旣險遠主客異焉此勞往而無利彼亦如之故額爾德尼招之敗彼亦以彼貪利而深入也

皇考謂我武旣揚不可以旣允其請和以息我喙予



小子敬奉

先志無越思焉既而噶爾丹策楞死子策妄多爾濟那木札爾暴殘喇嘛達爾濟篡奪達瓦齊又篡奪喇嘛達爾濟而酗酒虐下尤甚焉癸酉冬都爾伯特台吉策楞等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我額爾額也於是議進兩路之師問彼罪魁安我新附凡運餉籌馱長行利戰

之事悉備議之始熟經於庚戌之艱者咸懼蹈轍惟大學士忠勇公傅恒見與朕同而新附諸台吉則求之甚力朕謂犁庭掃穴卽不敢必然喀爾喀之地必不可以久居若而人吾寧用其鋒而觀厥成卽不如志亦非所悔也故凡禡旗命將之典概未舉行亦云偏師嘗試爲之耳塞上用兵必以秋而阿睦爾撒納瑪木特請以春月欲乘彼馬未肥則不能遯朕謂其言良當遂從之北路以二月丙辰西路以二月己巳各啟其行哈密幹海內無雨今春乃大雨咸以爲時



雨之師入賊境凡所過之阿拓克携羊酒糗糒迎恐  
後五月己亥至伊犁亦如之達瓦齊於格山麓結營  
以待兵近萬我兩將軍議以兵取則傷彼必眾彼眾  
皆我眾多傷非所以體上慈也丁亥遣阿玉錫等二  
十五人夜斫營覘賊向賊兵大潰相蹂躪死者不可  
勝數來降者七千餘我二十五人無一人受傷者達  
瓦齊以百餘騎竄六月庚戌獨人阿騎穆霍集斯伯  
克執達瓦齊來獻軍門準噶爾平是役也定議不過  
二人行事不過一年兵行不過五月無亡矢遺鏃之

費大勲以集遐壤以定豈人力哉天也然天垂佑而  
授之事机設不奉行之以致坐失者多矣可與樂成  
不可與謀始以爲蚩蚩之眾云爾豈其卿大夫之謂  
旣克集事則又曰苟知其易將勸爲之夫明於事後  
者必將昧於幾先朕用是寒心且準噶爾一小部落  
耳一二有能爲之長而其樹也固焉一二暴失德之  
長而其亡也忽焉朕用是知懼武成而勒碑文廟例  
也禮臣以爲請故據實事書之其辭曰茫茫伊犁大  
幹之西匪今伊昔化外羈縻條文之東大宛以南隨



畜獵獸蟻聚狼貪乃世其惡乃恃其遠或激我攻而  
乘我緩其計在斯其長可窮止戈靖邊化日薰風不  
侵不拒不來其那款關求市亦不禁訶始慕希珍終  
居竒貨吏喜無事遷就斯悞漸不可長我豈思其豈  
如宋明和市之爲旣知其然飭我邊吏弗縱弗嚴示  
之節制不仁之子再世斯斬篡奪相仍飄忽荏苒夙  
沙革面前鞏披忱集泮飛鶚食黷懷音錫之爵位榮  
以華裾膠前面請願効前驅兵分兩路雪甲霜鋒先  
導中堅如鼉錯攻益以後勁蒙古舊屬八旗子弟其

心允篤二月卜吉牙旗飄飄我騎斯騰無待折膠泉  
湧於磧無茁於路我眾懽躍謂有天助匪啻我眾新  
附亦云黃髮未睹水苴富春烏魯木齊波羅搭拉台  
吉載乘紛紛款納牽其肥羊及馬潼酒獻其都耆合  
掌雙手予有前諭所禁侵凌以茶交易大愉眾情眾  
情旣愉來者日繼蠢達瓦齊擁兵自圍依山據菹惟  
旦夕延有近萬人其心十千勇不日逃掄二十五日  
阿玉錫率往賊所銜枚夜襲直入其郭揮矛拍馬大  
聲疾呼彼人旣離我志斯合突將無前縱橫鞚鞞案



角鹿捶龍種東龍自相狼藉孰敢撻鋒狐竄鼠逃將  
往異域狃部遮之宛渠斯得露布既至告

廟受俘凡此蕝功荷天之衢在古周宣二年乙亥准  
夷是平常武詩載越我

皇祖征噶爾丹命將禡祺亦乙亥年既符歲德允協  
師貞兵不血刃漠無王庭昔時準夷弗恭弗諗今隨  
師行爲師候尉昔時準夷日戰夜征今也偃卧知樂  
人生曰匪準夷曰我臣僕自今伊始安爾游牧爾牧  
爾咩爾長孫子曰無向匪豈有今是

兩朝志竟億載基成側席不遑保泰持盈

重修明倫堂碑文

道光二十五年

邵逢吉邑庠

聖廟之建明倫堂之立上以之敷文教下以之培文  
運是乃國家之鉅典都邑之重地宜使棟宇常新者  
也余讀廟碑所載自有明以來以迄我國初修補維  
勤廟貌輝煌堂容壯麗宜乎其時人文叢聚三科九  
俊名卿疊出而爲文教行文運昌之所特隆歟道光  
十年縣主楊公學師鄧老夫子倡修文武二廟甫謀  
補修明倫堂修建忠義節孝二祠地暴大震明倫堂



倒塌木料磚瓦悉毀以致工程浩大難以猝辦鄧老  
夫子仰天嘆曰此天助我成功也事非徐圖不可矣  
未幾于道光十二年倡修忠義祠之後遂以老歸又  
未幾楊公以憂去而此謀竟沮余有志奈德薄不能  
倡此盛舉及我曲老夫子到任慨然以修建爲己責  
遂于倡建節孝祠之餘與縣主屠公共謀修補兩廡  
重建明倫堂謀甫就而屠公竟以憂去歲在癸卯安  
陸府鐘祥縣我張公來署茲土初謁聖廟見兩廡之  
坍塌明倫堂之全廢喟然嘆曰廟坍塌堂廢吾吏之恥

也其急修建勿怠于是同曲王二老夫子約同城集  
紳士量力輸資共勦盛事兩月之間廟貌復新堂容  
復整將見自茲以往教化風行人文蔚起可以追蹤  
國初之盛者何莫非我張公我曲老夫子盛德之所  
遺哉余是爲序以誌不朽

蒼溪縣知縣楊統正祖父母誥命

制曰寵渥朝章錫類不遺於一命祥開家慶貽恩爰  
及夫重闈爾楊克昌乃中書科中書舍人楊統正之  
祖父弓裘衍澤瓜瓞綿庥作述相承再世式彰其祖



武淵源有自一經早裕夫孫謀茲以覃恩貤贈爾爲  
徵仕郎中書科中書舍人錫之勅命於戲舊德弘昭  
用廣顯楊之志新綸特賁永增泉壤之光

制曰禮由義起宏孝治於中閨命自天申貴榮施於  
大母爾中書科中書舍人楊統正之祖母郭氏德懋  
蘭儀光生槐蔭珩璜作則武垂淑慎之型荇藻流芬  
丕振光昌之緒茲以覃恩貤贈爾爲孺人於呼鸞書  
煥采合彤史以揚休象服增輝荷雲章而永慶

蒼溪縣知縣楊統正父母誥命

制曰宣猷服采中朝抒報最之忱錫類推恩休命示  
酬庸之典爾楊恒乃中書科中書舍人楊統正之父  
令德踐脩義方夙著詩書啟後用彰式穀之風弓冶  
傳家克作教忠之則茲以覃恩贈爾爲徵仕郎中書  
科中書舍人錫之勅命於戲篤生杞梓之材功歸庭  
訓丕煥綵綸之色澤及泉臺

制曰壺教凝祥懋嘉猷於朝宇國常布惠揚休命於  
庭闈爾中書舍人楊統正之母王氏勤慎宜家賢明  
訓後相夫以順含內美於珩璜鞠子有成樹良材於



楨幹茲以覃恩贈爾爲孺人於戲昭茲令善之聲榮  
施勿替食爾劬勞之報遺範常垂

蒼溪縣知縣楊統正併妻誥命

制曰官在禁林時揆天庭之藻班承綸閣還依冊府  
之光爾內府中書科掌科中書舍人加一級紀錄五  
次楊統正溫醇著譽恪謹持躬質有其文撰述分勞  
於兩制才堪稱職絲綸賁寵於重霄茲以覃恩授爾  
爲文林郎錫之敕命於戲西清超直用嘉翰札之勞  
北闕承恩尙勵靖共之節

制曰丕績奏於中朝端賴閑家之助寵章頒乎慶典  
宜分齊體之榮爾內府中書科掌科中書舍人加一  
級紀錄五次楊統正之妻王氏早習女儀克修婦職  
鷄鳴交傲旣砥節于素絲蠶績執勞用邀恩于紫綉  
茲以覃恩贈爾爲孺人於戲巾袿彰和順之風鸞書  
誕賁廷陞煥褒嘉之命翟第永貽

制曰臣心報國每資賢助于中閨婦爵從夫必普恩  
施于繼室爾內府中書科掌科中書舍人加一級紀  
錄五次楊統正之繼妻穆氏柔順嗣徽雝和叶吉旣



告虔于棗栗洵內教之克修堪比德于玗璜宜朝章之式賁茲以覃恩封爾爲孺人於戲無忘象服之榮

勉副鸞書之錫祇承寵典益播休聲

遊擊郭紹泰祖父母誥命  
制曰德厚流光溯源淵之自始功多延賞錫褒寵以攸宜應沛殊施用揚前烈爾監生郭夢庚迺廣東清遠營遊擊郭紹泰之祖父性資醇茂行誼恪純啟門祚之繁昌華簪衍慶廓韜鈴之緒業奕葉揚休鉅典式逢崇階宜陟茲以覃恩馳贈爾爲武翼都尉錫之誥命於戲三世聲華實人倫之盛事五章服采洵天室之隆恩寵命其承令名克荷

朝城縣續志

卷之二

十四

制曰天朝行慶必推本於前徽家世貽謀遂承庥於再世彝章宜錫寵命載揚爾劉氏迺廣東清遠營遊擊郭紹泰之祖母壺範示型母儀著徽惠風肆好旣比德於玗璜餘慶綿延自邀恩於翟茀特頒渥典用表芳規茲以覃恩馳贈爾爲淑人於戲緩帶輕裘挺孫枝之材武高文典冊馳大母之顯榮祇服寵綏長昭良軌



光緒二十五年二月十七日

遊擊郭紹泰伯父母誥命

制曰誼篤靖共入官必資於敬功歸誨迪猶子而教之忠爰沛國恩用揚家訓爾監生郭乙元迺廣東清遠營遊擊郭紹泰之伯父躬脩士行代啟儒風抱璞自珍克毓珪璋之秀析薪能荷彌彰杞梓之良茲以覃恩馳封爾爲武翼都尉錫之誥命於戲昭令聞於經籙書貽刻鵠佩徽章於策府寵賁迴鸞茂典丕承榮名益劭

制曰家有孝慈之範美以相濟而成國崇褒錫之文恩以並推而厚爾劉氏迺廣東清遠營遊擊郭紹泰之伯母德可相夫教能啟後一堂環珮和音克著其慈祥五夜機絲內治聿昭其柔順茲以覃恩馳封爾爲淑人於戲溥一體之榮施鸞章賁采表同心於訓迪象服分光

光緒二十六年三月二十二日

遊擊郭紹泰父母誥命

制曰寵綏國爵式嘉闕閱之勞蔚起門風用表庭幃



之訓爾郭戊元迺補用遊擊廣西上林營都司郭紹泰之父義方啟後穀似光前積善在躬樹良型於弓治克家有子拓令緒於韜鈴茲以覃恩贈爾爲武翼都尉錫之誥命於戲錫策府之徽章洵承恩澤荷天家之庥命允賁泉壚

制曰怙恃同恩人子勤思於將母赴桓著績王朝錫類以榮親爾王氏迺補用遊擊廣西上林營都司郭紹泰之母七誠嫻明三遷勤篤令儀不忒早流珩璫之聲慈教有成果見干城之器茲以覃恩贈爾爲淑

人於戲錫龍綸而煥采用答劬勞被象服以承庥允  
光泉壤

光緒二十六年三月十二日

侍衛郭紹泰父母誥命

制曰奮揚威武固資宣力之臣敷錫寵光用表推恩之典爾武生郭戊元迺藍翎侍衛加四級郭紹泰之父躬修克愆庭訓時勤門祚開祥早授豹韜之業天家有慶聿頒鸞采之書茲以覃恩封爾爲昭武都尉錫之誥命於戲義方懋著其教思果堪負荷休用酬



其貽穀被服寵膺

制曰戎事宜勞每興懷於將母王廷沛澤爰錫類以榮親爾王陳氏迺藍翎侍衛加四級郭紹泰之母克修壺則聿著母儀教子矢忠盡之忱兕螯煥采酬庸本庭闈之訓綸綍生光茲以覃恩封爾爲恭人於戲際燕喜之昌期甯忘國命受鸞翔之典冊用表家楨

光緒十五年三月十六日

遊擊郭紹泰叔父母誥命

制曰誼篤靖共入官必資於敬功歸誨迪猶子亦教

以忠爰沛國恩用揚家訓爾武舉郭癸元迺廣東清遠營遊擊郭紹泰之胞叔父躬脩士行代啟儒風抱璞自珍克發圭璋之秀儲材足用聿彰杞梓之良茲以覃恩賜封爾爲武翼都尉錫之誥命於戲昭令聞於經籙書貽刻鵠佩徽章於策府寵賁迴鸞茂典丕承榮名益劭

制曰家有孝慈之範美以相濟而成國崇褒錫之文恩以並推而厚爾馮氏迺廣東清遠營遊擊郭紹泰之叔母德可相夫教能啟後一堂環珮和音克著其



慈祥五夜機絲內治聿昭其柔順茲以覃恩賜封爾  
爲淑人於戲普一體之榮施鸞章賁采表同心於訓  
迪象服分光

光緒二十六年三月二十二日

侍衛郭紹泰兄嫂誥命

制曰委質策名榮旣膺夫簪紱克家纘緒光必逮夫  
門閭爾文生郭紹宗迺藍翎侍衛加四級郭紹泰之  
胞兄道足持躬情殷訓弟經傳詩禮青緗揚雁序之  
輝慶篤芝蘭丹綉煥龍章之麗芳徽允懋新典宜頒

朝城縣續志

卷之二

五

茲以覃恩賜封爾爲昭武都尉錫之誥命於戲被章  
服以增榮聿顯友恭之義承絲綸而無忝彌彰善慶  
之風

制曰教佐義方內則允彰夫懿範榮敷閨闈朝恩宜  
體乎私情爾閩氏迺藍翎侍衛加四級郭紹泰之嫂  
貞淑性成徽柔道協身嫻姆訓聿儲卓犖之材志稟  
慈徽用衍熾昌之緒丕昭淑慎特賁絲綸茲以覃恩  
賜封爾爲恭人於戲龍章式煥令儀著美於當時象  
服欽承名德益彰於奕葉



光緒二十年八月十六日

侍衛郭紹泰兄嫂誥命

制曰委質策名榮旣膺夫簪紱克家纘緒光必逮乎  
門閭爾郭紹汾迺藍翎侍衛加四級郭紹泰之兄道  
足持躬情殷訓弟經傳詩禮青緗揚雁序之輝慶篤  
芝蘭丹綉煥龍章之麗芳徽允懋新典宜頒茲以覃  
恩貤封爾爲昭武都尉錫之誥命於戲被章服以增  
榮聿顯友恭之義承絲綸而無忝彌彰善慶之風

制曰教佐義方內則允彰夫懿範榮敷閨闈朝恩宜

朝城縣續志

卷之二

五

體乎私情爾李氏迺藍翎侍衛加四級郭紹泰之嫂  
貞淑性成徽柔道協身嫻姆訓聿儲卓犖之材志稟  
慈徽用衍熾昌之緒丕昭淑慎特賁絲綸茲以覃恩  
貤封爾爲恭人於戲龍章式煥令儀著美於當時象  
服欽承名德益彰於奕葉

光緒十五年三月十六日

同知謝祐併妻誥命

制曰分猷佐治端資貳守之良課吏安民並紀協恭  
之績爾四川保寧府同知謝祐禔躬恪慎蒞事精勤



分雙旌五馬之榮襄六典九條之治詰奸宄而克靖  
礪廉隅以自持慶典欣逢褒章宜煥茲以覃恩特階  
奉政大夫錫之誥命於戲撫循是職贊良牧以宣猷  
綸綍式頒沐新恩而勵節

制曰良臣宣力於外効厥勤勞賢媛襄職於中膺茲  
寵錫爾四川保寧府同知謝祐之妻趙氏終溫且惠  
既靜而專綦縞從夫克贊素練之節蘋蘩主饋爰流  
彤管之輝茲以覃恩封爾爲宜人於戲敬爾有官著  
肅雍而並美職思其內迺勉宜同心

乾隆十六年十一月二十五日

黃公德政碑

訓導余朝梅

史冊所稱去後思何穎川借寇千載下流風可挹休  
哉何其得民也邑侯黃公其諸後先繼美者歟公以  
光緒庚寅五月來攝縣事下車之始條舉廢墜會值  
大水秋無禾民歎失所公陳書上大府乞緩漕并發  
賑拯受災之甚者大府於是發賑數千金審稽戶口  
徧給之蓋五六年未舉之惠政乃今始見之曹屬  
素藪盜盜數往來城壞不完或且闌入爲害乃謀更



新爲永永計擇有力者助緡錢召徒傭購土木方春  
經始四閱月工畢牆堞之屬盡復舊觀又浚河渠備  
霖潦母有障塞臨河兼設涵洞以利畜洩其勤民事  
率類此顧尤好文學恤士厚每校試評隲允宜文藝  
多所竄改公在官蕭然清貧急公事貲費無所惜其  
他措置不概述云夫令以親民也其蒞官居職徒以  
傳舍視之者無論其吏也良者殫心爲政惟自知之  
民惡乎知之惡乎言之然誠使心至而政亦至民又  
無不知之而且言之今公之來承乏未二年獨能施

用所學以致於政取朝之人而襦袴衽席之而朝之  
人亦復知公之勤民懇到之意如此知則感感則誦  
方諸古之循卓前後一揆洵乎爲慈父母矣其福吾  
邑者豈有窮耶故撫事之大者敬書之而勒諸石公  
名葆年字錫朋江南泰州人光緒癸未年進士  
黃公葆年戒早婚以整風化碑文

夫婦爲人倫之始婚嫁寔風化之原妃匹之義所以  
上承宗廟下繼後世者也禮男子三十曰壯有室又  
曰男子三十而娶女子二十而嫁惟陽所以統陰又



陽舒陰促故男必長於女後世緣情制禮未嘗限爲定制然男子冠而昏女子笄而字其大較也嬉嬉童幼茫不知成人之禮烏足以刑妻而宜家本縣下車以來風聞朝城陋習兒女婚嫁往往年不相當揆厥由來大率夫家急需中饋乃虛增其子之齒以欺女氏女氏貪夫家之產業亦含糊以應媒氏甚至有九歲而結褵者有年甫十二已膠續者相沿成俗不知其非甚非所以廣嗣續而篤燕婉也夫夫倡婦隨本屬好合不問其年齒之相若與否而強爲媒定怨起

泮冰釁生禍水或新婦以抑鬱致疾或新郎以貪色成瘵或不敬所天而家庭生其勃谿或不安其室而帷簿播其醜行以致意外之事因此而生傷化黷倫釀成訟案本縣以維持風化爲已任但可從宜從俗斷不肯以變革之政強民間以所難似此婚嫁不時旣乖家道又滋訟端豈容聽其任意妄行不加整飭知其不可而爲之父母之過也知其不可而聽之士大夫之責也爲此示諭閭邑士民人等嗣後凡爲兒女擇配者總以男長於女爲正其女長於男一二歲



或一三歲尙屬可行義不得過四歲以上男子親迎之期總以二十歲爲限其家中需人或十七八歲十六七歲亦尙可行義不得在十五歲以下目下已經定婚者聽但不准違限迎娶本縣爲風俗起見不得不剴切曉諭自示之後里長莊長以及各鄉讀書明理之人務將此意家傳戶誦勿狃於從前陋習致室家之不安貽鄰里之嘲笑夫婦正而家道正可以登仁壽之域而納福祿之林矣尙有仍蹈覆轍者一經查出定將兩家父母從重傳責媒人一併懲辦里長

莊長匿不以聞治以奉行不力之罪該里長莊長等亦不得因嫌挾制至開攻訐之風倘能從此一洗從前之弊其有便於爾士民人等者不可枚舉慎勿視爲具文也切切特諭

光緒十八年四月中旬勒石

重修朝城城序

蓋聞民力不可以輕用而衆志乃足以成城子攝篆於茲二年矣始至見城郭傾圯不敢輕議修築懼厲民也旣而雨水爲災民食無所恐遂致流離乃就而



告之曰爾其事爾農事養爾老幼予將爲爾請諸大吏免爾租賑爾粟繼之浚河隄築城郭俾爾自食其力以待來年新穀之登爾毋散而四方也皆曰諾予既與民約則深慮工費之不易集也進而商諸邑之同官者同官者以爲然謀諸紳士紳士以爲然通告諸鄉里之長老長老皆以爲然乃延邑里之賢而更事者董其成而乞同官者爲之督勸焉去年冬河工成今年城工成麥秋方至秋收亦中稔民鮮流亡嗚呼勞民傷財古人所戒而予乃興事勸功於荒歉之

年苟非邑之諸君子知其力之不及而欣助之鄉之諸父老諒其心之無他而相與竭蹶趨之其能以有成耶雖幸而有成其有費於吾民之財力固已多矣故予謹而書之以誌夫力役之不可以輕舉而作事不廣咨於衆之果不足以有成也且少有破壞及時修葺則不至再興大役以重勞吾民是不得不重有望於後來之君子也至捐用白金若干例得請廣學額若干是又在

國恩之高厚與夫

大吏之權衡也已



知朝城縣事泰州黃葆年撰文

進士孫纘碑文

黃門諫議大夫孫老年伯諱纘字煥哲別號桐蘿以名進士出身初任唐山縣令清慎明決惠政及人唐之士民立祠感頌以垂不朽撫軍嘉其廉卓異上聞欽取入京考授禮垣正直剛方不諧於時致仕旋里琴書自娛所與遊者皆正人君子年伯生於萬曆癸丑卒於康熙戊辰享年七十有六越十年暨元配孺人江太君合葬於城南孝里村祖塋之次其生平忠

朝城縣續志

卷之二

三

孝大節余姻戚臧君爲之誌銘詳且盡矣至其世系源流前代碑碣悉能載之余更無以加焉祇卜其潛德之光克昌厥後者而表著之年伯子男一諱士斌與余以年誼而結姻盟官國學博士女三俱適名族孫二長印來賀卽余宅相也治詩經舉癸酉房魁次來朝幼業儒曾孫四長名愚次魯次懋次恕皆余甥也俱穎異英發頭角不凡益信世德綿綿於無窮也旣表之復爲慶喜而歌之曰惟我年伯世德淵源溯彼先世列爵封藩及伯之躬大起黃門名勒鐘鼎有



子有孫子職博士孫科騰騫子子孫孫愈積愈蕃  
癸卯科舉人現任山西潞安府長治縣知縣年小任  
趙昶永南頓首拜撰

康熙三十八年三月上浣

吳景素先生墓表

吳式基

先生諱玉書字景素姓吳氏朝城望族其上世多顯  
宦明萬曆年間歷任廉憲祠鄉賢巽庵公諱中傳乃  
鼻祖也逮清入承明統先輩多隱居不求仕進曾祖  
諱法動祖諱顯陽皆耕讀傳家父秀峯公母張氏望

朝城縣續志

卷之二

三

子成名綦切兄弟三人惟景素夙穎異年十七遊於  
庠越十一年食餼又十九年貢入太學再領房薦未  
登賢書慨然嘆曰半生窮措大何日能顯揚言之淚  
泫泫下盖自傷不遇而明發有懷也性篤學經史而  
外兼覽百家羽翼先儒獎掖後進遊其門者多溫文  
儒雅之士蜚聲庠序者數十人四方遠近咸奉爲泰  
山北斗一世推爲人師幾與宋湖州先生相頡頏尤  
勇於爲義歲庚寅僉議重修文廟時主事者爲學官  
李月樓與縣令英晤有隙排擠誣構幾陷於危眾忿



甚莫敢誰何景素獨奮然挺身上書大府立剖其寃  
至今父老猶嘖嘖稱道弗衰揆諸爭也君子之言若  
合符契著有課生塾藝數卷論策精當津逮後學膾  
炙一時間有吟詠懷古詩篇一種忠義之忱溢於言  
表晚年自著年譜一卷實錄也喜遊覽山川擬北上  
幽燕東登岱岳以壯其文瀾詩思而卒不果竟自老  
於林下其命也歟先生生於清道光丙午年於民國  
五年丙辰二月十五日卒於家享年七十有一既卒  
之三十八日卜葬城北秦莊先塋之旁與元配李氏

合墓門弟子思慕其懿訓潛德而不能忘謀於式基  
爲表其墓式基與先生同姓而支分派別嘗共事一  
隅每呼之爲宗兄知其事甚悉不敢辭不文乃揭於  
其墓之原以垂諸不朽云

冀楨秦先生碑文

訓導余朝梅

先生諱河松幼敏慧弱冠補諸生旋食餼屢式棘闈  
不售以明經終老年喪明里居戒博賭止鬪訟教誨  
及門勤於課藝成名者數十人生平有大志略以濟  
世自許道光之末萑苻東擾先生與郝錫達郭金城



等連莊合捕逆氛用息咸豐十一年二月擒匪寇觀  
城邑令董公堃命團練先生領忠心團以郝錫達爲  
團長駐隊王坊時西團與擒匪戰團總孫安邦敗沒  
於陣先生復糾合北鄉諸團悉力相拒三月教匪張  
玉懷等陷城董公死之劫獄燔署延倫秀復自北來  
恣剽掠去四月郝清連郭振師並稱元帥有張躋堂  
者在縣充當募勇爲張玉懷所擄復縱之還至是亦  
稱元帥會擒匪復來先生與郝錫達郭金城李書明  
崔方東議再擴充團務並約秋三沙六二里合爲一

團以張聲勢推謝守樸爲團總立局邱樓選長丁數  
十人馬數十匹備偵探楊士太等教陣法張清魁馬  
冲霄筦火葯芻糧事各有緒繼而蘇光彩李夢白等  
議各團練於是秋三沙六里等庄別立團長而五十  
餘庄遂不受調遣先生恚憤急調賈庄吉祥寺韓張  
店等庄回本團白樹一幟六月教匪宋景師等竄入  
境沙六秋三兩里皆烏獸散先生團獨無恙七月移  
局常庄九月堂主丁書堂欲赴西北先生與趙玉龍  
詣辛庄俄而獲賊五人將斬之郝錫達以其侄被擄



遣往說留三人爲質釋二人歸待其任歸乃歸三人少頃侄返將釋三人公義團團總楊廷美執不可先生以師濟在和不肯與齟齬立斬三人以徇賊怒攻之急幾交鋒刃已而寂然乃馬學夢奄至逆賊已西颺也無何賊又聲言將攻兩團兩團出戰火器齊發賊奔而南時張躋堂潛與賊通不爲要截其團受禍者糾衆千人免廷美同擊賊匪廷美與躋堂至范邑使人邀先生與俱先生曰歸賊莫追且躋堂不可與共使者歸報而兩團已潰敗矣先生度戰不可恃爲

堅壁清野之謀擇地於主簿營築圩自固躋堂慫恿邑令趣修城輟圩工嚴諭弗聽督工不怠躋堂復使人約團總謝守樸隨堂主吳錫桂爲立逆旗謝不從因引捻逆攻之先生及賈守樸夜至張魯謁勝宮保乞師宮保許給馬隊未卽發明日又與邱鳳樓提賊首二級往號泣哀懇勝乃遣游擊張遇祥率練勇四百九人來援軍至賊退十餘里圩得無恙踰日遇祥廷美爲雜旗所困遇祥身中四矢不退先生聞之率隊往救遇祥廷美皆脫難走適國將軍兵到雜旗散



走未幾國將軍聽躋堂之譖團總摘頂受辱先生與  
廷美往愬曰張逆南通北勾實爲盜媒若弗除難終  
未已宮保乃調之往命隨軍勦賊而邑令多方爲之  
地竟不往旣而邵翼之張春藻愬於譚中丞檄文至  
躋堂始他徙而去至寇氛稍靖四方事緩先生卽杜  
門不出家居授經以治團敘得六品軍功候選訓導  
卒八十三

昭忠祠碑記

嗚呼我從兄子文生丙午及武生閔克順耆老周廷  
朝城縣續志  
卷之二  
三  
標等旣殉難之二年歲次乙丑翼之與同團張元和  
等建

祠於古塔之北又四年至於今始克立碑於祠以序  
其事夫我

國家深仁厚澤二百有餘年矣其間雖不無奸民如  
王淪林青小小竊發旋卽捕滅而洪張等逆久稽天  
誅蹂躪至十餘省海內迄無甯歲咸豐庚申

文宗顯皇帝宸懷內斷特命忠親王僧格林沁統師  
進勦復簡重臣各於其省倡督民團防竄逸而靖地



方山東則侍郎杜公翻司其事時朝城縣令爲順天董公涵攝縣事纔三月耳性忠烈勤撫綏日集紳民以大義相淬厲檄到卽諭翼之董團事而丙午等亦皆相與矢志殺賊由是南北防勦殆無虛日次年春南匪由濮范渡河勢甚銳公命翼之等赴縣南杜禦而北匪張遇獲宋景詩輩乘間蠶起彼時縣城如平地董公悉力防守二十七晝夜於三月乙巳力竭身殉翼之等且愧且憤誓殲賊以報公仇而賊於僞降之後亦日謀甘心於我同治二年降匪張濟堂與張

遇獲等窺王師南下豫皖復嘯聚衆且萬餘時

邑令王公召翼之入城議防守賊突薄城下抵暮始解翼之歸圩人不滿千而賊踵至悉衆環攻閭克順等於西牆往來奮擊賊焚西北兩門突入丙午等率敢死士數十巷戰殺賊數百賊以折衄出圩者再卒以寡衆不敵同時遇害周廷標等亦罵賊不屈甘就屠戮以故圩雖破賊亦胆落而退時三月壬午事也翼之稟忠親王及撫憲該逆伏誅因赴京懇忠義總局又蒙撫憲闡上其事奉



旨賜恤祭葬世廕如例丙午克順等俱准入昭忠祠  
翼之等於祠成後因念剪除寇氛保乂黎元者忠親  
王之力也扞蔽城社臨難不辱者董公之德也遂設  
忠親王神位於上而以董公配享丙午等以次皆附  
祀焉嗚呼丙午等不過鄉曲之士非有官守之責而  
皆能慷慨赴死與董公先後殉難其凜凜生氣固可  
與忠親王同歆俎豆於千秋翼之身膺其事不得卽  
從諸君於地下其愧恨當何如哉然而諸君之忠義  
自不沒於兩間也銘曰

寰海夷清	萬物熙熙	蠢爾小醜	乃肆梟鴟
孰爲養疽	致身潰爛	孰在戎行	致寇滋蔓
於赫僧王	震讐殊方	剪除寇氛	撻伐用張
烈哉董公	不有其躬	齒齧睢陽	血濺侍中
公拚一死	士氣皆墨	枕戈尋仇	求死不得
烈焰投燼	敢云報國	風慘城南	月暗塔北
豈不惜命	對公無色	碧燐夜哭	青史誰傳
招魂入祠	天恩宏宣	揮毫未終	五內寸裂
斯石可朽	其名不滅		



五品頂戴候選翰林院待詔增貢生邵翼之撰  
候選訓導李曉瀛先生碑銘  
邑人張董書

蓋聞維持風化在上則有君相在下則有師儒昔王仲淹設帳河汾名臣多出其門胡安定建齋湖洲太學取以爲式是皆隱居教授立功德於不朽繼之者其惟吾子李先生乎先生諱晨字曉瀛朝城人昆季凡四伯兄昂遊庠最早仲兄昇擢當家計供諸兄弟讀書資甚勤叔兄昌與先生茹苦力學同受知於青州李公鴻李公文章世家以名孝廉司鐸我邑愛其

兄弟清苦日爲指畫遂得嫡傳後李公中進士授縣令去先生與其兄自相師友課藝互相質證而其文益工科歲試輒冠軍卒不得博一舉以明經終文章真憎命哉然四方學者仰爲山斗爭延爲師先生又善誘不倦門下士成名者不下數十百人皆能有所樹立余每見學者循循雅飭不問而知其爲先生弟子也著有晴嵐塾課制藝實足津逮後學尤長於詩帖摘集名作數百首詳註作法顏之曰詩法分類集錦大爲縣令傅公所嘉賞爲作序以弁其編其於諸



兄最相友愛每自館歸入門握手竟日言笑與外人  
不甚欵曲而好與余談余讀書疎濶不肯爲時文拘  
束每相過從上下數千年不免馳驟而先生非制藝  
不言晚年益相得焉其子姪輩多入邑庠有文名克  
紹厥志先生享年六十六歲卒於光緒七年四月二  
十八日今卜葬於十月朔諸同人謀爲立碑而屬余  
作銘余以先生之德足與仲淹安定先後映輝自可  
不朽傳何待銘而故舊之思固余所不忘也銘曰武  
水陽冠山旁明秀鍾靈先生鄉先生講學文中王先

生說詩解頤匡不必得位俎豆馨香先生之風山高  
水長

歲貢戴先生碑記

邑人吳式基

仲宣戴先生諱金聲天資英敏性情靜穆嘗從舉人

田清蓮先生遊謂其清超拔俗不染塵氛科第不難  
立致無如時數限人文章憎命竟以明經老晚年教  
授生徒手抄經傳數十卷悉加解釋其季子增生元  
凡先生所釋經若傳及所著古文詞均珍爲手口澤  
以傳於次子恩猶子惠皆掇芹食餼蜚聲黌序世德



之縣延庸有既乎先生諸門人竊慕其門庭雍睦橋梓濟美洵足爲一邑光爰勒石以垂不朽是爲記

### 城守記

自前清咸豐四年二月髮匪李開方破陽穀土匪因之破朝城而縣尊任騰蛟殉難至十一年教匪張玉懷閭掄秀破莘縣冠縣而因以及我朝縣尊董涵殉難迨至民國以來土匪滋擾無日無之迄民國七上年憲因陸軍防營兵力不敷分布飭各縣成立警備隊兵餉皆派自民間而是年土匪益形橫肆縣長林

仲幹擁兵自衛警備二百五十名警察五十名共三百名之多不敢出城緝捕以致正月十六日攻侯莊舖運糧海兩圩而不救正月十九焚燒雷莊圩而不救他如架人勒贖不可枚舉卽距城一里之趙莊架票搶劫絕不出救浸漬已久賊勢愈大逮七月二十五日寅刻夥賊悉衆攻城林縣長聞耗卽藏於西街饌房馬三家幸賴兵皆土著民氣奮勇槍斃夥賊多名賊始退去次早而林縣長送家屬逃去以爲民望幸而賊未反攻耳無如賊患熾而兵患熾矣凡賊



尖住之所無論強迫與否概行科罰賊所攀供之人無論冤屈與否概行拘禁噫賊禍暫而兵禍長吾朝民不知伊於胡底矣幸潘縣長接篆戒飭各隊長訓諭眾兵丁而兵始不爲民害矣所冀自今以往賊氛息而兵害除庶幾太平可復見也夫

捕盜

畧曰安民之術必先捕盜而捕盜之術莫便於舉盜夫舉盜者以民訟盜而官爲之主嚴刑以詰之重罪以懲之勦窩以絕之使爲盜者攻盜以贖罪學盜者

朝城縣志

卷之二

三十六

遠盜以爲良官無緝捕之勞民受安樂之福有由然矣何則民之不安盜擾之也盜擾之而不設法以捕之則民之爲盜者多而民之被盜者無已時始而偷竊漸而掠奪漸而搶劫甚至聚夥結隊執兵器以威逼事主而性命爲之不保此盜之所以不可不捕也獨是今之捕盜者每多賄盜以緝盜否則諱盜以縱盜究之所用捕役練軍亦皆爲盜無事則乘夜竊出結鄉間之小醜以劫人貨財有事則執牒公行通在案之羣匪以速其避匿或則貪圖贖指盜爲良或



則乘機尋讐誣良爲盜致使爲盜者不諱言盜被盜者不敢言盜而閭里之騷動不捕之而民不安捕之而民愈不安此捕盜之弊尤甚於不捕也卽如前史所載龔遂虞詡張綱李崇之徒或置吏以察盜或製衣以識盜或設伏以詐盜非不可以靖萑苻清潢池也而究捕不勝捕者是待以兵捕之以役捕之而不以民捕之也且夫以民捕之非必借民之財也非必用民之力也非必使民獲盜也非必使民殺盜也一鄉之民有鄉長焉則使舉一鄉之盜一里之民有里

長焉則使舉一里之盜一人爲盜四鄰共舉之四鄰爲盜一鄉共舉之而尤必官爲之主詰盜以嚴刑懲盜以重罪絕盜以勦窩民舉之卽捕之勿使遲延而生禍勿使逃遁而藏形盜無所匿自捕無不獲官不勞而民自安矣然尤恐其相緣爲姦也則必出示以諭之曰非盜而誣舉爲盜者罪爲盜而謬謂非盜者罪受盜之財賄而爲盜申請者罪畏盜之挾制而爲盜護惡者罪夫而後民不附盜盜不擾民間閭無緣林之患往來無暴客之慮夜不閉戶道不拾遺士農



工商各安其業是皆由捕盜之有其術也豈可專恃乎兵與役哉

吳蘊生先生傳

吳瑛山道光己酉科拔貢不樂仕進與兄耀山家居篤於孝友值咸豐甲寅辛酉之變總辦團務城鄉賴以獲安者十數年我朝書院久廢經先生捐錢五百千房宅一區稟命屠縣尊道彰創立育英書院迨同治初年苦無經費稟命權縣尊汝欽入叛產八百餘畝以爲修金膏火資迄今學堂猶資遺澤焉至學問之淹博詩文之淵雅猶其緒餘耳

謝孝子傳

謝得所

謝君世孝宦裔也喜詩書性孝友親歿致哀廬墓三年值世亂輟讀習弓馬應郡試矢近革數步而墮忽又騰躍中鵠學使駭問廣文以孝對因首拔之其弟世彥世昌與猶子崑田均以武庠顯後因歲饑食指繁恒產不足供饋粥弟以分炊就商生愀然曰吾家雖不饒固武陽望族毋以田產細故輒生詬誅以貽前人羞將祖父遺業析而三之令弟自擇夏屋數楹



悉歸季弟惟經史諸書特加珍重縱金甌塵飛不忍  
鬻一卷暇則博覽之尤精痘疹活嬰孩無算故生卒  
五十餘年人猶豔稱之吾鄉先達孝行卓著者首推  
邵璋友于克敦者紫荆昆仲生能兼之洵堪並垂不  
朽云

俠婦傳

賈銘恩

天地塊壘之氣鍾之於男則爲奇男子英雄豪傑立  
名千載古有之矣女子生長深閨氣秉陰柔未聞以  
淑嫻之質亦能效雄傑之所爲而立名千古者我朝

朝城縣續志

卷之二

三

民婦楊氏拳勇楊法良之女弟也年十八室郝某合  
番之夕坐守花燭夫幼先寢約至夜半聞剝啄聲婦  
起伏暗處俄見二賊閃入直走內間衣物搜括一空  
婦屏息伺變俟賊出尋得鐵尺一柄尾追門外突仆  
一賊餘賊遁去翁姑起視一無所失惟見血跡淋漓  
婦之材勇真有過於男子者故爲之傳以志之



補遺

廣西思恩軍民府西林縣知縣孫來賀父母誥命

制曰求治在親民之吏端重循良教忠勵資敬之忱  
聿隆褒獎爾孫士斌乃廣西思恩軍民府西林縣  
知縣孫來賀之父視躬淳厚垂訓端嚴業可開先  
式穀乃宣猷之本澤堪啟後貽謀裕作牧之方茲  
以覃恩贈爾爲文林郎廣西思恩軍民府西林縣  
知縣錫之勅命於戲克承清白之風嘉茲報政用  
慰顯揚之志昭乃遺謨

昭乃遺謨  
制曰朝廷重民社之司功推循吏臣子凜冰淵之操  
教本慈悱爾廣西思恩軍民府西林縣知縣孫來  
賀之母李氏淑慎其儀柔嘉維則宣訓詞於朝夕  
不忘育子之勤集慶澤於門閭式被自天之寵茲  
以覃恩贈爾爲孺人於戲仰酬顧復之  
恩勉思撫字載煥絲綸之色永賈幽潛

朝城續志

卷之二

誥封

堯

康熙六十一年十一月二十日

廣西思恩軍民府西林縣知縣孫來賀暨妻誥命

制曰分符百里必遴出宰之材報最三年爰重懋官  
之典爾廣西思恩軍民府西林縣知縣孫來賀雅  
擅才能克宜慈惠無綏有要常深疾痛在己之心  
懷保無窮不忘顧復斯民之責茲以覃恩授爾爲  
文林郎錫之勅命於戲前勞已茂用褒  
製錦之能來軫方道益勵飲冰之操

制曰良臣宣力於外効厥勤勞賢媛襄職於中膺茲  
寵錫爾廣西思恩軍民府西林縣知縣孫來賀妻  
趙氏終溫且惠旣靜而專綦縞從夫克贊素絲之  
節蘋蘩主饋爰流彤管之輝茲以覃恩贈而爲孺  
人於戲敬爾有官著肅雍而並  
美職思其內昭淑慎之遺徽

康熙六十一年十一月二十日



匪患

土匪爲患何代蔑有或禍及官而未及民或禍及民而未及官若官與民並受其禍此則大亂之世也我朝自清初以迄今日幾三百年其間之亂不一城被圍而陷者四被圍而不陷者二爰列簡端以備觀覽順治四年冬十一月土寇黃鎮山破城十二月又破城邑侯阮鞠廷請兵討之寇遁

五年大亂郭外悉賊壘農桑俱廢村落焚毀殆盡七年三省部院張統兵合勦遁范縣榆園

朝城縣續志

卷之二

匪患

四

八年春用舟師始平之賊渠黃鎮山石峩然張粹等悉受首

咸豐四年春正月金陵大逆洪秀全遣李開方等北犯僧忠親王率兵困賊於阜城

正月洪逆遣黃生才會立昌等率髮匪數萬北援欲解阜城之圍二月初二日髮匪黃生才等自張秋鎮入陽穀城陷縣宰文瑩罵賊殉難賊趨莘縣又自莘縣趨冠縣遂犯本境張魯集一帶殺戮虜掠北窺臨清遇都統勝保擊敗之賊又南奔犯王奉大場民人



被其蹂躪迨至初七日土匪糾黨數百冒充粵匪陷城知縣任騰蛟死之賊縱獄囚焚公廨劫掠一空遲至月餘兵官黃良楷來縣拿獲首從諸賊梟首示眾咸豐十一年二月間萃冠等縣教匪倡亂旗分五色黃旗張玉懷白旗程順書黑旗宋景詩綠旗楊明嶺紅旗閻掄秀隣封皆失守我朝縣尊董涵捐廉三百千修葺城垣破壞至三月十七日張玉懷等率賊攻我城城破殺知縣董涵城中被殺者百餘人此時以北街當店爲縣署賊又焚之

八月教匪盤踞朱口官軍攻之教匪數千前往救援官兵遏之不得進官軍追殺自城東周庄至城外岳庄尸橫遍野

咸豐十一年九月初六日鄆范土匪自金斗營北犯行經城東郝庄焚殺酷虐郝庄王得成等乞援於白井趙坑種樓諸村糾合二百餘人至申河口西因眾寡不敵遇害者三十餘人越十數日匪滿載歸乘夜南竄自城西北妹塚以至城東南舍利寺俱遭焚劫虜男婦無算未幾賊又北趨至城西董庄蔓延遍野



團總楊廷美率團兵禦之副團總申殿揚戰敗身死  
遇害者二十餘人月餘南匪復歸以范爲巢穴本境  
數受擾害各團率人攻范推張躋堂爲首領賊因南  
阻黃河北受強敵進退無路誓以死拒躋堂見賊勢  
浩大隱萌異志望風先逃賊追殺十數里尸骸相枕  
死者千餘人武舉孫安邦廩生熊作梅等皆陣亡嗣  
是各旗匪就撫復叛不可枚舉

同治二年正月降寇楊朋嶺張錫珠張玉懷等大肆  
焚掠都統伊綿阿由本境大場追勦忽退兵金灘鎮  
玉懷等合股犯朝境大王寨王奉集所過焚殺如洗  
團長孔昭著率團禦之陣亡團寇死者千餘人

二月初二日降寇程順書等復犯本境樂屯畢屯張  
魯集遍地烽烟

是月初六日邑人張躋堂引黃旗張玉懷等攻破舍  
利寺圩屠男女數千人初躋堂與團長邵翼之有深  
仇故引教匪攻之殺戮最慘武舉邵懷之武生閆克  
順文生王步衢邵丙午張文德江景祥等同遇害越  
數日旗匪合股攻城知縣王培禎總團吳瑛山督民



團固守城未陷

二年八月降眾宋景詩自陝西叛歸屯聚堂邑僧忠親王破之奔本境柿子園漫延楊庄韓庄岳庄等處大軍追勦南奔觀城

六年九月擒匪張總愚自陝西奔豫省趨入本境畢屯沿途殺人焚掠破山堂圩殺廩生吳芹英王猷典等百餘人幸大兵尾追越宿奔莘縣

七年擒匪由陝東竄縣西北張義屯適當其衝圩破焚殺最慘

朝城縣續志

卷之二 匪患

四三

光緒二年自春至五月不雨無賴葛二瞎米聚眾千餘在城東安任寺欲謀作亂至五月十七日天乃雨知縣姚觀峒率隊往勦至寺兵不敢進姚知縣提刀先入賊睡熟悉縛之請大府核擬定罪

光緒三十二年五月突有鄆鉅土匪紀廣賀狗眼等率匪百餘盤踞李臺架人勒贖閭邑震驚知縣袁大啟令各里長帶團丁持械齊集馬場匪聞夜遁追至壽境清水河

民國元年二月初旬匪首李四考帶匪百餘各持快



槍架人勒贖馬集李臺樂屯張寨諸集往來無常合境震駭及秋八月賊去縣境始稍安

二年十月匪首李九江等率黨七十餘名赴縣北關暗通議參兩會願就招安爲保安隊意欲穿窟城內暗出搶劫月納潤金若干援借名目冀圖自固事未就適陸軍營長曹元勛來朝九江等夤夜逸去

七年正月十六日范匪石殿華等率匪五百攻破候莊舖餘糧海兩圩殺人十九名婦女多投井架肉票二百餘人賊盤踞馬集贖戶者往來不絕當兩圩告

急城中有兵二百未敢前往

二月初六日羣匪又至馬集各庄逃竄大名黑馬隊從齊海用大炮轟擊之斃匪數名被傷者甚多乘夜東竄自舍利寺至郎集傷重死者不知凡次日赴樂屯擄人畜無算初八日南奔行經馬場郝庄舍利寺夕竄觀城谷疇

十四日匪由谷疇北犯午時哨馬至馬集各村驚恐爭相逃竄號泣之聲慘不堪聞日夕匪至張寨擄掠一空次晨北竄至冠縣境遇直隸黑馬隊敗回南竄



渡河河北稍安

七月十三日匪渡河陷濮州城二十三日陷陽穀城二十四日入朝境樂屯集紙房各村黎明布滿城下約三千餘豎梯登城地保蔡金城等招呼兵民登陴拒守開炮轟擊斃賊首一名賊二名被傷者不下七八十人匪知事不濟解圍去北關東關劫掠一空城東一帶諸村騾馬牛驢概行擄去



災祲

傳曰天災流行國家代有風雨蝗蝻水旱癘疫此固天數亦人事之不善致之洪範九疇天人之際捷於影響善則降之以祥不善則降之以殃理固然也漢之時魯恭蓋饒一邑令耳異政所招天猶應之蝗不入境虎負渡河反災爲祥載之史冊至今猶嘖嘖焉有民社之責者蓋勗諸

道光二十七年大旱無禾人民流離餓死者十三之

朝城縣續志

卷之二

災祲

四六

咸豐元年大風拔木日月失明

同治元年大旱秋無禾

光緒十四年大旱無禾至七月中旬霖雨爲災房屋倒塌十之二三

光緒三十三年大旱穀禾枯死糧賦豁免

民國六年雨水爲災被淹者十之七

民國八年旱不成災

四月初二日暴風肆虐秋瘟毒盛行病十之三死十之一



民國九年無麥春夏大旱赤地無禾五月二十七  
雨僅種晚禾又多旱斃不早之處復遭蝗蝻邑令  
督捕躬不憚勞糧價騰湧米麥斗值制錢六千粗  
糧亦如之貧者劫食樹葉日不能飽中戶以下皆  
困急

七月霍亂疾病發生死者十之二三

### 暴風記

謝得所

己未四月初二日申時自西北突來暴風頃刻天  
昏地暗鳥不及巢馬不識途黑漆漆如入山洞在

家者急掩其門在路者緊閉其目但聞颼颼滿耳  
腥羶熏腦人人瑟縮战兢神魂失據而不知所爲  
少焉紅風繼至儼若祝融下降朱雀燒空卽周郎  
之赤壁一炬其烈欲漲天未能彷彿萬一較諸鷁  
之退飛天之雨血其災變殆有甚焉是蓋人事多  
乖上千天怒故遣風伯肆虐布散瘟毒於雨間不  
惟木拔瓦飛庖飄舟覆顯施威烈而且癘疫之種  
於人畜者無窮謂之爲恒風則不類謂之爲怪風  
亦非過也人可不知所修懼哉



志異

石言厲踊蛇鬪豕啼誕異不經之事左史書之  
詳矣魑魅魍魎禹鼎鑄形非示怪也獮兒委蛇  
山經圖象非好奇也誠以實有是事實有是物  
使人知之不逢不若也朝土地勢平坦無山洞  
湖澤之險亦無吞噬迷罔之憂僅卽其事之可  
異者以筆之於書

同治八年夏城西王樓王善樂家因亂窖藏麥  
十餘石及出麥下窖人輒立死又下一人又死

遂赴城稟官縣尊傅維弼立刻赴驗以雞投入  
立死官大異之命拆其窖頂毫無異物令淘麥  
磨食飼雞犬無傷人試食之亦無傷或者麥在  
窖中久麥氣和地氣積成毒癘歟

光緒十九年城西劉庄愚民周三扈庭樹虬橫  
十餘圍素有狐怪周以歲荒賣樹是夕狐附人  
言忿氣百倍謂毀我窩巢壞我什器傷害我醜  
類族姓百數羣苦露居至怨深讐我必重報周  
詬詈之狐更猖獗時或箱籠冒火倉廩生煙積



柴被焚鄰人趨救卽移火燒之勢如寇盜無所不至村人遭回祿之災者十有數家擾及月餘合村惶懼叩禱乞哀狐要數事一需靜處以安家室一需賠償以備什物一需服禮以謝伊類周許諾焚香矢誓村西半里許張氏殯宮也舊有大棠樹枝幹葱蘢遙望如蓋許狐卜居狐忻願去

宣統三年六月初四日日初出高丈餘忽日上有五六日少傾往南飛有二十餘日向北飛去

十餘日是年八月兵變各省宣告獨立清帝退位民國成立

城西里許有舊縣坡一名金牛坡每逢大雨水深丈餘於民國六年十一月間有聲響如雷近村共聞且視之積冰忽開一溝長約數里濶丈餘共訝之詢之老人僉曰此金牛豁凌也古或有之



宗教

儒教

佛教

道教

黃教

回教禮拜寺在北大街道西坐西朝東

天主教教堂在南門裡道西坐西朝東

基督教教堂在西門裡道南坐南朝北

